



La Géorgie

Indépendante

Revue mensuelle

JUILLET

1932—N° 79

ო ვ ლ ი ბ ი

1932 წ.

№ 79

# დასოფელი და ვაჭარი

ს ა ქ ა რ თ ვ ე ლ ო ს პ ო ლ ი ტ ი კ ე უ რ ი პ ა რ ტ ი ე მ ო ს ო რ გ ა ნ ო .

მ ი ნ ა ა რ ს ო :

მეოთხედი — ახალი სილა.  
 ვაკე — რუსეთის რევოლუცია.  
 სიტყვა საქართველოს საკითხისათვის...  
 გ. ნაკაშიძე — ეროვ. დამ. იდეა მე-19 ს. ქარ. ლიტა.  
 Louis Forest — მხე-ქალა.  
 დამსწრე — საქართველოს საკითხი.

მის. მუსხელიშვილი — სახელოთა განაწილება.  
 პრესა.  
 საქართველოს ამბები.  
 N — ქართველები პარიზში.  
 გიბ. კეცლა — წერილი ხარბინიდან.  
 საბიბლიოგრაფიო შენიშვნა და სხვ.

## ა ხ ს ა მ ი ს ი ო

ვერობას მოსწყდა მეკრდიდან ერთი მძიმე ლო-  
 დი — რეპარაცია, რომელიც, აგერ 13 წელია, სა-  
 ერთაშორისა წეს რიგიდან არ მოხსნილა და იყო  
 მიზეზი დიდ გართულებათა.

როცა კანცლერმა ბრიუნინგმა პირველათ განა-  
 ცხადა, შარშან, რომ გერმანია ვერ გადაიხდის რეპა-  
 რაციასო, ყველა სახტათ დარჩა, გაოცდა. როგორ,  
 ერთი წელი ძლივს გავიდარაც პააგაში შევეთანხმდით,  
 ძალაში შევიდა იონგის გეგმა და ეხლა გამოდის გე-  
 რმანია და ლამობს მის მიერ ხელმოწერილი პირობა  
 გააუქმოსო — გაიძახოდენ ყოველ მსრიდან, საფრან-  
 გეთსა და ბელგიაში ხომ მთელი პრესა ყალყზე დად-  
 გა ცოტა გამოკლებით, გაისხენეს ბეთმან პოლვეგის  
 ცნობილი ფრაზა ბელგიის ნეიტრალიტეტის დარ-  
 ლვევის გამო და მდგომარეობა ისე გამწვავდა, რო-  
 გორაც არასდროს რურის აქეთ.

ჩვენ არა ერთხელ გვქონდა ამ გაზეთში ბაასი რე-  
 პარაციაზე, არ გვეჭირა დიდხანს შეჩერება მასზე.  
 ეს არის ვერსალის ზავის მთავარი ნაწილი. გასსოვთ,  
 ვინ ჩაუყარა საფუძველი ამ ზავს. ვილსონმა, და სწო-  
 რეთ მან განაცხადა შორს კონტრიბუციაო. მაშინ  
 გამოქნილმა ლოიდ ჯორჯმა და კლემანსომ მეორე  
 გზით მოუარეს მას: კარგი, კონტრიბუცია ნუ იქნე-  
 ბა — განაცხადეს მათ —, მაგრამ ომისგან განადგურე-  
 ბულ პროვინციებს ხომ აღდგენა ექვივრება, ზარალს  
 ანაზღაურებაო. ვილსონიც დასთანხმდა და აი აქედან  
 ახსნა, როგორ წარმოიშვა რეპარაცია.

მეგამ არასდროს არც ერთ ზავს ისეთი დიდი  
 კონტრიბუცია არ უნახავს, როგორც მათ, რეპარა-  
 ციის სახით, დაწერეს გერმანიას: ასტრონომიული  
 ციფრები, ას მილიარდზე მეტი იქრო! ჩვენ გვახსოვს  
 ხარჯების ვაკხანალიაც, მაგ., საფრანგეთში, სულ  
 ერთია, გერმანია გადაიხდისო და 1926 წ., როცა სა-  
 ფრანგეთი ფრანკის კატასტროფის წინ იდგა, ერთ-  
 ერთი მიზეზი სწორეთ რეპარაციის იმედი იყო.

რეპარაციის უარყოფითი მხარე კიდევ ის იყო,  
 რომ ზავის პირობები დამარცხებულთა დაუსწრებ-  
 ლათ შეიმუშავეს და მას საფუძველად ბრალდება და-  
 უღვეს გერმანიამ ასტეხა ომიო. ეს მომენტი, რო-  
 გორც ვიცით, უადრეს როლს თამაშობს «ნაცის»  
 ასე უზომო გაბერვაში და მისი ბელადის პიტლერის  
 გადიდკაცებაში.

თუ გვინდა გავიგოთ, როგორ ამოიშალა რეპა-  
 რაცია წეს-რიგიდან, ჩვენ ლოზანის კონფერენციას  
 უნდა მივმართოთ, რომელიც ორი კვირაა რაც დას-  
 რულდა. ერთი გარემოება ხდიდა ერთობ საინტერე-  
 სოდ ლოზანის კონფერენციას: საფრანგეთი და გერ-  
 მანია — ეს ორი მთავარი პარტნერი — სულ ახალი დე-  
 ლეგატების სახით წარსდგენ ლოზანაში: ერთი და  
 ფონ პაპენი. ერთი გამოვიდა რადიკალების და სო-  
 ციალისტების გამარჯვებიდან მაისის არჩევნებში,  
 ხოლო ფონ პაპენი — იუწყებების სახელმწიფო ვადა-  
 ტრიალებიდან, თუმცა ფორმალურათ ჰინდენბურგი  
 არ გამოსულა ვაიმარის კონსტიტუციის ჩარჩოვ-

ბიდან. როგორ შეიძლება ამ ორი პრობლემის მო-  
რიგება, დემოკრატიის და არისტოკრატიის?

და ეს იყო სწორედ მიზეზი პესიმისა, რომე-  
ლოც გაბატონდა თავიდანვე ლოზანაში. იგი კიდევ  
უფრო გააძლიერა მაკდონალდმა, კონფერენციის  
თავმჯდომარემ, თავის ისტორიული ფრაზით: რეპა-  
რაციას სველი ღურბელი უნდა გადაუსვათო. გამო-  
დიოდა, თითქო ფონ პაპენს პრემია უნდა მისცემო-  
და სახელმწიფო გადატრიალებისათვის!

საფრანგეთის დელეგაცია ცუდ მდგომარეობაში  
ჩავარდა. იგი თითქმის გარიყეს გუშინდელმა მოკავ-  
შირებმა. რეპარაციის უდიდესი ნაწილი დანიშნუ-  
ლი იყო ამერიკის ვალის გასასტუმრებლათ, ეხლა კი  
გამოდიოდა, გერმანიისათვის უნდა ეპატივბიათ,  
ხოლო ამერიკისთვის უნდა ეხადათ მილიარდები.

მაგრამ ერთი არ შეუშინდა შექმნილ მდგომარეო-  
ბას: თუ ამერიკა აგვიშვებს, ჩვენც ავუშვებთ გერმა-  
ნიასო—განაცხადა მან. მაკდონალდი იძულებული  
გახდა კომპრომისი ეძებნა და კიდევ გამოჩანეს, აი  
მისი დედა-ძარღვი: გერმანია იხდის ძალიან შეღავა-  
თიან პირობებში სამ მილიარდ ოქრას მარკას მო-  
კავშირეთა სასარგებლოთ—ფაქტიურათ ეს თანხა  
ამერიკისათვის არის უმთავრესათ დანიშნული—  
ხოლო ხელშეკრულების რატიფიკაცია მოხდება მას  
შემდეგ, როცა ამერიკას შეუთანხმდებიან ვალის წა-  
შლაზე ან მინიმუმამდე დაყვანაზე: მანამკი გერმანიას  
ეკლავა მორატორიუმი, ე. ი. არ იხდის რეპარაციას.

მართალია, თეორიულათ, თუ ამერიკამ არ დას-  
თმო, იონგის გეხმა ისევ ძალაში რჩება, მაგრამ ეს  
ეხლა არავის სჯერა, რეპარაცია მოკვდა და მისი გა-  
მობრუნება არავის ძალუძს. ამერიკა ჯერ კიდევ  
ბევრს იჯანჯლებს, განსაკუთრებით ახალი პრეზი-  
დენტის არჩევამდე, წლის ბოლოს, მაგრამ ვინ დაუ-  
შლის საფრანგეთს და მის მოკავშირეთ ერთ მშვე-  
ნიერ დღეს განაცხადონ, მზგავსათ გერმანიისა, ჩვენც  
არ შეგვიძლია მეტი გადვიხადოთ? დღევანდელი  
ეკონომიურ-ფინანსიური კრიზისი ათანასწორებს  
ყველას უბედურებაში. ამერიკაც იმავე მდგომარეო-  
ბაშია, მისი ინტერესიცაა ამიტომ ევროპის ნორმა-  
ლურ კალაპოტში ჩაყენება.

ამისათვის ლოზანაში მეორე დიდი გადაწყვეტი-  
ლებაც მიიღეს: მსოფლიო ეკონომიურ-ფინანსიურ  
კონფერენციის მოწვევა. განიარაღების კონფერენ-  
ციაც თავის წვლილს შეიტანს უთუოთ საერთო საქ-  
მეში, გაიხსენეთ თუ გინდ პრეზიდენტ პუეერის «მა-  
ნიფესტი», რომელიც ზომბასავით გავარდა უჩენეა-  
ში. ამერიკა, რომელიც ამ ორ კონფერენციასზედ უპი-  
რველეს როლს თამაშობს, იძულებული გახდება სა-  
თანადო დასკვნა გააკეთოს.

მაგრამ რაც ყველაზე საყურადღებოა—ეს ძველ  
მოკავშირეთა ფრონტის აღდგენა. მათ პატიოსანი  
სიტყვა მისცეს ერთმანეთს—ჯგენტლმენს აგრიმენტ—  
ერთნაირ პოზიციას დაიჭერენ ამერიკის მიმართ ვა-  
ლის კითხვაში. წარმოუდგენელია, როგორ ეყვრობა  
ამერიკა ევროპას: ბრძანებლობს მის ფინანსებზე,  
უკარნახებს დოუსის და იონგის გეგმებს, ხოლო რო-  
ცა საქმე განაღდებაზე მიდგება, განზე გადადება, თქვენ  
როგორც გინდათ, მე კი ვალეები ვაღამიხადეთო! აი,  
იანკის ამ მედიდურობის ბოლო მოსაღებათ შექმნეს  
საერთო ფრონტი.

საერთო ფრონტში, ცხადია, უნდა შევიდეს გერ-  
მანიაც. ის ხომ სულ თანასწორობაზე გაიძახის—  
გლაიხბერესტიფუნგ—ეს შემთხვევა მას მიეცემა სწო-  
რედ მაშინ, როცა სხვა დიდ სახელმწიფოებთან ერ-  
თათ შეუდგება საერთაშორისო სტაბილიზაციას.  
შესძლებს კი ის ამას? ამას დაგვანახებს რაიხსტაგის  
არჩევნები 31 ივლისს.

ამ არჩევნებს არა ნაკლები გულის ფანცკალით  
მოელის სტალინი, რომელსაც კიდევ არ დაუტოვე-  
ბია ოცნება მსოფლიო დიქტატორობაზე. მისი ყმა  
—გერმანიის კომპარტია დღე მუდამ იმას ცდილო-  
ბდა დაეკრა დემოკრატიისათვის, მისი მიმდევრები  
ნაცისაც კი აძლევდენ ხმას. სტალინი ხომ წარჩინე-  
ბული დიალექტიკოსია, მისი ტაქტიკა ძლიერ მარ-  
ტივია: ჯერ ნაცი, მერმე ჩვენო.

ასე თუ ისე, ჩვენ თავს შევიკავებთ საბოლოო  
წრის გამთქმისგან, ერთი კი ცხადია აქედანვე,  
როცა საერთაშორისო მასშტაბით ისეთი კითხვები  
ისმის, როგორიცაა ეკონომიურ-ფინანსიური კრიზი-  
სი, განიარაღება,—იქვს გარეშეა, დიდი სახელმწი-  
ფოები გვერდს ვერ აუხვევენ სმელეთის მეექვსედს.  
მოსკოვის მედროვეთ ბედი სწავლობთ—საქიროა  
ვსთქვათ ეს აშკარათ—, დიდი სახელმწიფოები, მმარ-  
თველთა უილაჯობის გამო, მოუწყობელია. განხდა  
ბევრი ახალი პრობლემა, რომელსაც თავს ვერ ართ-  
მევენ, ლამობენ ძველი საშუალებებით მათ გადაჭრას,  
თან მუდამ ერთმანეთს ექიშებებიან.

მაგრამ ამ უთავბოლოებას ერთხელაც მინც ხომ  
უნდა მოელის ბოლო, არ მოუღება—დაემხობიან და  
მაშინ მოსკოვის ჯიელებს მართლაც შეუძლიათ შე-  
ქმნან ისეთი ქაოსი, როგორიც შინა აქეთ. ასეთი პე-  
სიმისში არ გემართებს, ძველს ევროპას ჯერ კიდევ  
არ უთქვამს თავისი უკანასკნელი სიტყვა.

და აქ გვახსენდება ოსმალეთის თხოვნა ერთა  
ლიგაში მიღებაზე—ამით ის ამტკიცებს, რომ ძალა  
მინც ევროპაშია და არა «მეგობარ» საბჭოებში.

ჩვენ კავკასიის თვალსაზრისითაც გვახსენებებს ეს  
ფაქტი. კავკასიის ერთა ორიენტაცია დასავლეთით



არის, ან კიდევ—უნდა იყოს. ოსმალეთის პირის მობრუნება აქეთკენ ერთ რამეს მინც მოასწავებს ამ ეამად: როგორც წყერმა ერთა ღიგისა, მან უნდა იკისროს უკანასკნელის პაქტის დაცვა და ანგარიში უნდა გაუწიოს საერთაშორისო აზრს კავკასიის სასარგებლოთ...

დროა დავასკვნათ. ლოზანის კონფერენციის შედეგები: რეპარაციის გაქრობა, ძველ მოკავშირეთა საერთო ფრონტის აღდგენა, გერმანიის მასში შესვლის იმედი ერთგვარი ახალი სიოა, რომელიც...

რ უ ს ე თ ი ს რ ე ვ ო ლ უ ც ი ა

III.

ორი წინა წერილი<sup>1)</sup> დაწერილი მქონდა, რომ რუსეთის სოც. დემ. პარტიის ცენტრალურ ორგანოში «სოც. ვესტ.» გაიმართა კამათი იმის შესახებ, თუ რა იქნება ბოლშევიკების დაცემის შემდეგ. დავა ახალი არ არის, ძველია. იგი თებერვლის რევოლუციის დროიდან სწარმოებს. მაგალითათ მონარქისტები ფიქრობდნ, რომ ბოლშევიკების მოხვლას, ძველი წესწყობილების აღდგენა მოყვება. რუსების სოციალისტების ერთი ნაწილის აზრით, ბოლშევიკები გლახა მეთოდით, მაგრამ მინც სოციალიზმისთვის იბრძოდნ. თებერვლის რევოლუციის მთავარი ნელმძღვანელი ირაკლი წერეთელი კი, თავიდანვე წინასწარმეტყველებდა: «ბოლშევიკების უიგერიდან კონტრ-რევოლუცია შემოვა».

არც ერთი ეს აზრი იმ სახით, როგორც მაშინ ქონდათ წარმოდგენილი, არ გამართლდა. ამიტომ დავა დღესაც გრძელდება, მაგრამ ეხლა სულ სხვა ნიადაგზე, ვინემ მაშინ იყო. მაშინდელსა და არსებულ სოციალურ-პოლიტიკურ პირობებს შორის დიდი განსხვავება არის. თვითპრობლეომის დაცემის შემდეგ, ან «ბოლშევიკების ერთი თვის არსებობის» შემდგომ, ახალი უნდა ამეგებულიყო იმ სოციალურ-პოლიტიკურ ნიადაგსა და საფუძველზე, რომელიც რევოლუციის წინ არსებობდა. დღეს სულ სხვა არის.

თუ როგორი იყო ეს ნიადაგი, რას წარმოადგენდნ მაშინდელი საზოგადოებრივი კლასები, დაახლოვებით ეს ყველამ იცოდა. ამის გათვალისწინება უფრო ადვილი იყო მაშინ, ვინემ დღეს. ამიტომ პერსპექტივები ასე იხატებოდა: თვითპრობლეომის დაცემას—რესპუბლიკის დამყარება მოყვება, შემდგომენი პრივილეგიებსა და მიწას დაკარგავენ და გლეხები მიწას მიიღებნ. ბურჟუაზია გაბატონებული კლასი განდება და მრეწველობა აყვავდება, მუშათა კლასი კოალიციის თავისუფლებას მოიპოვებს და საერთოთ დამყარდება კრების. სიტყვის და სხვა თავისუფლება. ასეთი იყო დაახლოვებით ის პერსპექტივები, თუ რა უნდა მომხდარიყო მეფის ტახტის დაცემის მეორე დღეს.

მლის გამკურნებელ ძალას თითქო ყველანი გრძნობდნ.

ჩვენც. ქართველები, კავკასიელი ვგრძნობთ ამას. ჩვენ საკითხზე თითქო არავინ ფიქრობს, მაგრამ ეს კიდევ არაა საბუთი უარყოფით დღეს, რაც გუშინ გვიტყვამს, რასაც სვალაც ვიტყვი: კავკასია ორგანიული ნაწილია მსოფლიო სხეულისა, პირველის შველა შეიძლება იმდენათ, რამდენათ მეორეს ეშველება, გაჯანსაღდება და მით შესძლებს ბოლშევიკურ სენის ძირიან-ფესვიანათ ამოღებას.

თუ ბოლშევიკები «ერთი თვის არსებობის შემდეგ დაეცემოდნ» და კონტრ-რევოლუცია გაიმართლებდა, იგი თვითპრობლეომას აღადგენდა ძველ ნიადაგზე, თუ დემოკრატია—ის თავის პერსპექტივების განხორციელებას შეუდგებოდა.

რამდენათ ძნელი შეიქნა პოლიტიკური დიაგნოზის სისწორით დასმა მაშინდელ პირობებშიც კი, ეს დღეს ჩვენთვის რათელია. რუსეთის სინამდვილემ არავის არ გაუმართლა იმედეები და მათ შორის ბოლშევიკებსაც, სამხედრო კომუნიზმი სოციალიზმის კარიკატურათ იქცა.

ბოლშევიკების დაცემის შემდეგ ახლის შენება უნდა დაიწყოს იმ ნიადაგზე, რომელიც 15 წლის განმავლობაში რევოლუციამ მოამზადა. ეს არის ის მთავარი წერტილი. საიდანაც გაყვანილი უნდა იქნეს მომავალი პერსპექტივების მთავარი ხაზები. ეს კი გვარიანი ძნელი საქმეა, ვინაიდან ბოლშევიკების 15 წლის ბატონობამ და მუშაობამ ძირიანათ შესცვალა ყოფილ რუსეთის იმპერიის სურათი. არც სახელმწიფოს ფორმა, არც სახალხო მეთრენობა და სოციალური კლასების სახე, დღეს ის არ არის, რომელიც რევოლუციის წინ იყო, ან ჩვენი წარმოდგენით, შემდგომი უნდა ყოფილიყო. ყველა საბჭოური სოციალურ-პოლიტიკურ-ეკონომიური მოვლენანი ჩვენთვის ახალი და უცნობი არიან. მათში კაცი გარკვევოდა, რომ მათი განვითარება ნორმალურ პირობებში სწარმოებდეს და რომ მათი შესწავლა რბიექტიურათ შეიძლებოდეს. არც ერთი ეს არ არის. მეფის რუსეთის შესწავლა შეიძლებოდა არა მარტო იმ მასალების მიხედვით, რომელსაც ოფიციალური და წესებულებები იძლეოდნ, არამედ იმ კვლევამები-თაც, რომელსაც ოპოზიციონური და ზოგჯერ რევოლუციონური პარტიები ახდენდნ. საბჭოური სინამდვილის შესასწავლათ ამ სწავლებას მოკლებული ვართ. უნდა დავეყრდნოთ ბოლშევიკურ ოფიციალურ ცალმხრივ ცნობებსა და გავიწილ ამბებს. ეს კი ისეთი სარკეა, რომელიც სწორ სახეს არასოდეს გაჩვენებს.

მაგალითათ დღეს ბევრს სწერენ საბჭოთა კავშირის მუშათა კლასზე და გლეხობაზე, მაგრამ არავინ ვადაქრით არ იცის, რას წარმოადგენენ ამ ეამათ

<sup>1)</sup> იხ. «დამ. საქ.» № 75, 77.

ისინი. განა შეიძლება ვიმსჯელოთ რუსეთის მუშათა კლასზე იმ სახით, როგორც ამას ჩავდივართ ევროპისა და ამერიკის პროლეტარიატის შესახებ?! არა. იგი განსხვავდება არამც თუ მათგან, არამედ ომამდის არსებულ მუშათა კლასისგან. ომმა და რევოლუციამ მისი სოციალური შემადგენლობა დიდად შესცვალა. ზოგიერთის გამოკვლევით საბჭოთა კავშირის მუშების 70 პროც. შეადგენენ—ყოფილი წვრილი ვაჭრები, ყოფილი ოფიცრები, ყოფილი მოსვლელები და გლეხები. ასეთ პირობებში რუსეთის მუშათა კლასის მისწრაფებისა და სულიერი განწყობილების გაგება შეუძლებელი თუ არა, ყოველ შემთხვევაში მეტათ ძნელია. განა მუშათა კლასის ეს 70 პროც. ბოლშევიკების მეორე დღეს პროლეტარიატის იდეას დაიცავს, მისი უფლებებისთვის იბრძოლებს? მისი დიდი უმეტესობა უეჭველად შეეცდება თავის დაკარგული უფლებების აღდგენას.

კოლექტივიზაციის შემდეგ რთული ურთიერთობა არის შექმნილი სოფელშიც. საღამდგომარეობა აღარ არსებობს, ბოლშევიკების მეორე დღეს საკითხი დაისმება არა მემამულეთა მიწების შესახებ, არამედ გლეხებისა და კოლექტივების, რომლის დროს ძნელი იქნება გარკვევა, ვის რა ეკუთვნოდა და ეკუთვნის.

ასეთია მოკლეთ საბჭოთა კავშირის ორი მთავარი კლასის ვითარება. რალა ითქმის კოვკავშირზე, რომლის გენერაციაც ქრელია და სულიერი განწყობილებაც ნისლიანი!

მიუხედავად დიდი სიძნელისა, პოლიტიკური მოღვაწე და პარტია ვალდებულია გაირკვეს მათში და იქონიოს დაახლოებითი წარმოდგენა მათზე. წინამდებ შემთხვევაში მას არ ექნება სწორი პერსპექტივები და არ ეცადინება, ბრძოლის შედეგათ რას მიიღებს. პარტია, რომელიც ასე არ მოიქცევა, დაემსგავსება მორწმუნეთა კრებულს და დაკარგავს პარტიის სახეს. ემიგრანტულ დაჯგუფებებს ეს ავანტიურა ფობა ემჩნევათ.

რომ კითხვის გარკვევა გავცადავილდეს, ამისთვის საჭიროა წერილმანების გვერდზე გადადება და იმ მთავარი საკითხების გამოყოფა, რომლებიც ბოლშევიკების დაცემის მეორე დღეს წამოიჭრებიან. ასეთებთ ჩემის აზრით უნდა ჩაითვალოს: 1) სახელმწიფოს მართვა-გამგეობის ფორმა, 2) სახალხო მეურნეობის სისტემა და 3) ნაციონალური საკითხი.

ემიგრაციის ერთ ნაწილში გავრცელებულია შეხედულება: «ამის უარესი არ იქნებაო». ჩემს წერილებში «მოსკოვი წინეთ და ესლა» დაწვრილებით შევეხე ამ შემცდარ შეხედულებას. აქ მას აღარ გავიმეორებ. ვიტყვი მხოლოდ, რომ რუსეთის თეთრი ემიგრაციისთვის უარესი შეიძლება მართლაც არ იქნეს, ხოლო რუსების მუშებისა და გლეხებისთვის უარესი შესაძლებელია. მარკოვი მეორეს ჩეკა ბოლშევიკების ჩეკაზე უარესი იქნება მათთვის. კონტრ-რევოლუცია თუ დაბრუნდა რუსეთში, დაბრუნდება არა კანონიერებისა და თავისუფლების მოყვარული მონარქისტ პეტრე სტრუვეს სახით, არამედ მარკოვისა და გენ. მილერის სახით, რომელიც თავის წრეში გენერალ დენიკინსა და მის მიმდევრებსაც ვერ ით-

მენს. ძველი რეჟიმის დროს, როგორც რეაქციონური და მკაცრიც არ უნდა ყოფილიყო იგი, მაგრამ მგლების და ქეშმარიტ რუსთა კავშირი, სახელმწიფოს მაინც არ განაგებდა. მეუის მთავრობა მათ მხოლოდ ინმარიებდა, ხოლო სახელმწიფოს მართავდნ მემამულენი და ბიუროკრატია, რომელსაც კულტურა არ აკლდა და ევროპასაც ანგარიშს უწევდა.

კონტრ-რევოლუცია, რომელიც რუსეთში უნდა მოვიდეს, არც ერთი ეს არ ექნება. მისი ელემენტები, რუსეთში, ისე ემიგრაციაში, ორივე ამ თვისებას მოკლებულია. ყველა ეს დაჯგუფებები—ევრაზიელეები, მლადორუსები, ფაშისტები, გალიპოლიელები, ანუ უკეთ რომ ვსთქვათ. კუტეპოველები, ემიგრაციაში წარმოდგენენ სწორეთ ასეთ ელემენტს. ისინი გამსჭვალული არიან არა მეფის პათოსით, თუგინდისეთის, როგორც ნიკოლოზ პირველი იყო, არამედ—მუსოლინის, პიტლერის და უფრო აკი სტალინის. არავინ ისე ვატაცებთ არ სწავლობს სტალინს, როგორც დასახელებული ჯგუფები. მათთვის სტალინი ყველაზე უფრო დიდი ავტორიტეტია. მათ არ მოსწონთ მისი იდეა, ხოლო მის სახელმწიფო სისტემას და მართვა გამგეობის მეთოდს საესებთ იღებენ. მლადორუსს ქაზიმ ბეკს საბჭოთა კავშირის აღმასკომის თავმჯდომარე ივანე კალინინი სურს კირილე რომანოვით შესცვალოს და სტალინის ადგილი თვითონ დაიკავოს. სხვაფრთვ საბჭოური სახელმწიფოს სისტემა მათთვის მისაღებია და უკეთეს სახელმწიფო ფორმათაც მიაჩნიათ. ვინემ ევროპიულ სახელმწიფოს სისტემა, ანდა ძველი პეტერბურგული იმპერატორული. ასეთივე აზრის არიან დანარჩენი დაჯგუფებანიც. მათი გავლენა ემიგრაციაში დიდია, განსაკუთრებით ახალგაზღობაში, რომლის წლოვანება 40 წლიდან იწყება.

რასაკვირელია, ემიგრაცია ბოლშევიკების დაცემის საქმეში მთავარ როლს ვერ ითამაშებს, ის მხოლოდ დამხმარე იქნება და «მეორე დღეს» მივა. მაგრამ საქმე იმაშია, რომ ემიგრაციის ფაშისტს რუსეთში აუცილებლათ ყავს მიმდევრები. ბოლშევიკმა და კერძოთ სტალინიზმა, მას მოუშნადა ნიადაგი. ამ აზრით ირ. წერეთელის წინასწარმეტყველობა უფრო ახლეს არის სინამდვილესთან, ვინემ სხვების. ამიტომ კონტრ-რევოლუცია ბონაპარტიზმის საფესურს აღარ გაივლის, ის რუსეთის პირობებთან შესაბამეული სტალინიზმის სახით უკვე არსებობს და თუ მოვა იგი, მოვაროგორც ფაშისტში.

ამ მხრით მეტათ საინტერესლა ემიგრაციიდან წასული სმენავენელი ფაშისტი პროფ. უსტრიადლოვი, და საბ. კავშირიდან მოსული ფაშისტი-კომუნისტები—დმიტრევესკი. ორივენი ისინი გამოხატავენ აქაურსა და იქაურ ფაშისტურათ განწყობილ ფენების სულისკვეთებას. ერთიც და მეორეც ლენინსა და სტალინს მალა აყენებს, ქებათა-ქებას ასხამს. მთავარი ესლა ის არის. ვიცოდეთ რამდენათ დიდია ფაშისტების გავლენა იქ რუსეთში. ამის სისწორით გამოანგარიშება არავის შეუძლია, ვარაუდით კი შეიძლება ითქვას, რომ დემოკრატიის და ევროპიულ მონარქიზმის მეტი თუ არა, ნაკლები შანსები არ აქვს მას. უნდა ვიფიქროთ, რომ მუშათა კლასში შენის-



ნული ელემენტი მას გაყვება. გლეხობაც დაუქვრს მხარს, თუ კი ფაშისმა მას შიწა დაუბრუნა და წვრილი საკუთრება აღუდგინა. ფაშისმს მიეკედლება და შეიძლება დიდი როლიც ითამაშოს, კომკავშირის ის ნაწილი, რომელიც კარიერას უფრო მაღლა აყენებს, ვინემ იღვას და აგრეთვე ისიც, რომელიც რუსული ნაციონალიზმით არის გატაცებული. კომკავშირში ორივე ეს ელემენტი საკმაოდ მოიპოვება. ასევე უნდა მიუღვეთ წითელ არმიასა და ჩეკაში მომუშავეთაც.

ფაშისმის გამარჯვებას დიდად შეუწყობს ხელს ანარქიაც. ებრაელების თორა ამბობს: «ქოთანი დაეცემა ქვას. თუ ქვა ქოთანს, მაინც ქოთანი გატყდებოდა». ცენტრში ბოლშევიზმზე ფაშისმი გაიმარჯვებს, თუ დემოკრატია, საბჭოთა კავშირი მაინც დაიშლება და ანარქია დაიწყება. ეს ამინებს არა მარტო რუსის სოც. დემოკრატებს, არამედ კ. კაუცკისაც და სწორს: «ბოლშევიზმა დაანგრია ყველა ორგანიზაციები, ყველა სამეურნეო, პოლიტიკური, მეცნიერული და სხვა ორგანოები. რომელთაც შეეძლოთ ერთად შეეკრათ ქვეყნის სხვადასხვა ნაწილები. მან ისინი თავისი ბატონობის აპარატით შესცვალა. როცა ის დაიწვრება, მაშინ დადგება რუსეთის დამოუკიდებელი საფრთხე, უფრო რეალური, ვინემ ბონაპარტიზმის ცენტრალიზმი. დადგება საფრთხე, რომ ყოველი ქალაქი, ყოველი ოლქი და სოფელიც კი, დაიწყებს ცალკე არსებობას და მოქმედებას და არ იზრუნებს სხვაზე და საერთოზე». რუსეთის ასეთი მდგომარეობა ხელს შეუწყობს არა დემოკრატის გამარჯვებას, არამედ—ფაშისმისა და დიქტატურისა. ანარქია და შფოთი დემოკრატის საერთოთ ასუსტებს. მაგალითი გერმანიაა. მით უფრო ძნელია ეს უკულტურო ქვეყნის ახალგაზდა დემოკრატისთვის.

ამიტომ ჩემთვის გაუგებარია, როცა კაუცკი ამბობს—რუსეთისთვის უფრო უარესი რაც დღეს არის, ვერ წარმოგიდგენია. სამწუხაროთ, არამც თუ წარმოსადგენია, არამედ შესაძლებელიც. ცარიზმა ბოლშევიზმი მოამზადა, რომელიც ერთ დროს თავისუფლებისთვის იბრძოდა. ასე თუ ისე მას აფასებდა, მაგრამ რუსეთის სინამდვილეში იგი მან ფეხქვეშ გათელა და მისი ჯალათი გახდა. ბოლშევიზმა ფაშისმს მოუშნა და ნიადაგი, რომელიც არამც თუ რუსეთში, ევროპაშიც ვერ იტანს თავისუფლებას. ამას უნდა დავუმატოთ ისიც, რომ რუსეთის ფაშისმი შურისძიებობაც იქნება შეპყრობილი. სტალინის უღელქვეშ რუსის ხალხი დღეს სტირის, მისი ქვითინი ევროპაშიც აღწევს. ფაშისმის უღელ ქვეშ იგი ტირილსაც ვეღარ შესძლებს და თავისი ყმულით ქვეყანას შეაძრწოლებს. ეს არის ერთი შესაძლებლობა. ფაშისტური ცენტრალისტური სახელმწიფოს აჩრდილი თავს დასტრიალებს რუსეთს.

მეორე შესაძლებლობა არის დემოკრატის გამარჯვება, საბჭოთა კავშირიდან დევრებული ფედერალური შტატების შექმნა. დემოკრატული ცენტრალიზმი რუსეთში ვერ გაიმარჯვებს, რადგან მისი მთავარი ძალა პერიფერიებშია. რამდენათ უფრო შორს გაიყვანთ მოსკოვიდან რადიუსს, იმდენათ უფრო ძლიერი აღმოჩნდება დემოკრატია. ეს ახლა

წარსულმაც დავგიმტკიცა და ამ ქამათ ბოლშევიზმის წინამდებარე დემოკრატული ბრძოლაც მას ამბობს. თვით შიდა რუსეთშიც ყავს დემოკრატის მიმდევრები.

მართალია ბოლშევიზმა ფაშისმს მოუშნა და ნიადაგი, მაგრამ ამავე დროს დემოკრატიაც გამოაფხინა, თავისუფლების ღირებულება მაღლა ასწია. ბოლშევიკური დიქტატურა ხალხს სულს უხუთავს და თავისუფლათ მოქმედებისა და აზროვნების წყურვილს ზრდის მასში. თვით ის ფაქტი, რომ ბოლშევიკებმა ხალხის ქვედა ფენები ჩააბეს საბჭოურ სახელმწიფოს აპარატში, მოიყვანეს მოძრაობაში და ამავე დროს შებოქეს ბოლშევიკური იდეით და უგუნური დეკრეტებით, ხალხში ქმნის სურვილს მართლა იყოს სახელმწიფოს ბატონ-პატრონი და არა ფიქციათ. ის ფაქტი, რომ ხშირათ ადგილობრივი ხელისუფლება არ ემოძრაება ცენტრის განკარგულებას და მოსკოვს მასთან ბრძოლა უნდება; ამბობს მას, რომ არიან ელემენტები, რომლებიც დამოუკიდებლათ აზროვნობენ და მოქმედებენ. ის ციებ-ცხელება, რომელსაც საბჭოების გადარჩევის დროს კომუნისტური პარტია იჩენს, რათა არჩეულნი არ იქნენ ფარული მენშევიკები და ესერები, ამტკიცებს, რომ ხალხს სურს აირჩიოს თავისი წარმომადგენელი თვითონ და არა ზევიდან კარნახით. და საქმარსია, რომ ბოლშევიკებმა რეპრესიები შეამცირონ, რომ ხალხის ამ სურვილმა გარეთ გადმოხეთქოს.

უეჭველია, დანიშნულმა და გამოგზავნილმა კომინოვნიკებმა, ხალხის თვალში ავტორიტეტი დაკარგეს და შეათვისებინეს ის აზრი, რომ ზევიდან დანიშნული პირი არასოდეს მათ ინტერესს არ დაიცავს და იქნება მისი სურვილების აღმასრულებელი, ვინც მას ნიშნავს. ამიტომ უნდა ვიფიქროთ, რომ ფაშისმი, რომელიც ზევიდან დანიშნისა და კარნახის სისტემას ფაშისტურ სახელმწიფოს საფუძვლათ უდებს და რომელიც საბჭოების ამ მხრით გამოყენებას მოინდომებს, უეჭველათ შეხვდება ხალხის წინამდებარებას. ხალხი მიტომ კი არ შეაქცევს ბოლშევიზმს ზურგს, რომ იგი შემარჯვენე ბოლშევიზმა შესცვალოს, არამედ მიტომ, რომ მას სურს იყოს თავისი ბატონ-პატრონი.

პარტიული დემოკრატისთვის ბრძოლა, რომელიც კომპარტიაში სწარმოებს გვიჩვენებს მას, რომ დემოკრატიაში დიქტატორული პარტიის რიგებიც შეარცია. როგორც სჩანს დემოკრატის მიმდევრები ყავს კომკავშირშიც. ამის საბუთები არის. დემოკრატის დაიცავს მთელი თავისი ენერგიით მუშათა კლასის ერთი ნაწილიც. მან დიქტატურა თავისი მწარე გამოცდილებით იცის და თუ წითელი დიქტატურა მისთვის უბედურება გახდა, შავი დიქტატურა მისთვის კიდევ უფრო უარესი იქნება. ამიტომ თუ კი დემოკრატია ბრძოლის უნარი გამოიჩინა, მუშების ერთი ნაწილი მას საქმით დაუქვრს მხარს. სხვა გამოსავალი მისთვის არ არსებობს. მით უმეტეს, რომ კონტრ-რევოლუცია არასოდეს მუშათა კლასს ნდობით არ მოეპყრობა და შეიძლება შურისძიებაც კი დაიწყოს მასზე.

დემოკრატის გლეხობაც მეტის ნდობით მოეპყრობა, ვინემ ფაშისმს. ამ უკანასკნელთა რიგებში

ის დაინახავს ყოფილ მემამულეთა და თეთრგვარდი-  
ელებს, რომელნიც მას მოაგონებენ წარსულს და  
რომელთა დაბრუნება სრულებითაც არ შეადგენენ  
მის ინტერესებს.

ისე როგორც ფაშინს, დემოკრატიას წითელ  
არმიამაც აღმოაჩინებდა მამბრეები და აფილათ შე-  
საძლებელია, რომ მას ფაშინსზე მეტიც ეყოლოს.  
ვინაიდან არმიელთა სოციალური შემადგენლობა  
დემოკრატიულია. წითელ არმიელთა მეთაურების  
დღევანდელი შემადგენლობის უმეტესობა გლეხე-  
ბისა და მუშების წრებიდან არის გამოსული. მეფის  
ყოფილი ოფიცრობა მას დღესაც ზიზილით უტყვირს,  
ზვიადან ქვევით უყურებს და მისდამი მტრობა აქვს.  
წითელი კავალერიის უფროსი ბუდიონი მათ თვალ-  
ში დღესაც ვახშისტრია. ამიტომ კონტრ-რევოლუ-  
ციონერების საშოდან გამოსულს ფაშინს გაუჭირ-  
დება წითელ მეთაურებთან საერთო ენის გამონახვა-  
ეს შეიძლება მხოლოდ მაშინ, თუ ფაშინში მეფის  
ოფიცრობას და თეთრ გვარდიას სავსებით დაუსვამს  
ჯვარს და ახლოს არ გაიკარებს. ემიგრანტული ფა-  
შინში ამას ვერ იქს.

ერთი სიტყვით დემოკრატია რუსეთში სავსებით  
ნიადავს მოკლებული არ არის, როგორც ამას ზოგი-  
ერთები ფიქრობენ. მას მიმდევრები ყავს და ბლოშე-  
ვიკებთან ბრძოლაში შეიძლება მან ფართო მასსებიც  
შემოიკრიბოს, თუ კი ბრძოლისა და ხელმძღვანელო-  
ბის უნარს გამოიჩინოს, «კერენსკინას» არ განაჩეობებს  
და სავარაუდო პირობებში ხელს შეუწყობენ. ბევრს  
ნიშნავს ის, თუ როგორი მდგომარეობა იქნება ევ-  
როპაში. ევროპის ძლიერი დემოკრატია უწყველად  
შეეცდება გაუმაგროს ზურგი რუსეთის ნორჩ დემო-  
კრატიას, ეს მის ინტერესებსაც შეადგენს.

ასეთ ვითარებაში, თუ რუსეთის დემოკრატიის  
ხელმძღვანელებმა ბრძოლის უნარი გამოიჩინეს და  
დემოკრატიის ინტერესები რუსულ ნაციონალიზმს  
არ შესწირეს, როგორც ეს მათ თებერვლის რევო-  
ლუციის დროს ჩაიდინეს, შეიძლება გაიმარჯვონ.  
15 წლის წინათ დემოკრატიას ბოლშევიზმი წაართვა  
მასსები და თვითონ ჩაუდგა კონტრ-რევოლუციის  
წინააღმდეგ ბრძოლას სათავეში. თებერვლის რევო-  
ლუციის ხელმძღვანელებმა ხალხის სულისკვეთება  
ვერ გაიგეს და ორკუთხულ პოლიტიკას დაადგინ-  
დნენ. ორკუთხეობა კი გახსურებული ბრძოლის დროს ყვე-  
ლაზე ცუდი იარაღია.

ესლა რომლები უნდა შეიცვალოს. დემოკრატია  
თავის მხარეზე უნდა გადმოიყვანოს მასსები, უნდა  
ეცადოს რათა იგი შემარჯვენე ბოლშევიზმა არ წა-  
ართვას და უნდა უხელმძღვანელოს მის ბრძოლას.  
მარცხნიდან მას საფრთხე არ ექნება, კონკურენტი  
არ ეყოლება, სოლო მარჯვნივ ბრძოლა დასკირ-  
დება.

მაგრამ რომ ბრძოლა მოიგოს, ამისთვის საჭი-  
რია არა მარტო ხალი პოლიტიკური აქტიური ხელ-  
მძღვანელობა, არამედ რუსეთის ხალხის შესაფერისი  
ეკონომიური პროგრამაც.

პაპი.

ჩენია, 20 მაისი, 1932 წ.

სიტყვა საქართველოს საკითხისათვის

წარმოთქმული ჩეხოსლოვაკიის სენატში—მისი  
თავმჯდომარის dr. ხელუკუბის მიერ  
23 ივნისს 1932 წ. )

ბატონმა სენატორმა ნედვედმა შემოიტანა ჩემ-  
დამი, თანხმით რეგლამენტის 69 პარაგ., შეკითხვა,  
რომელშიდაც იხსენიებს, რომ მე «პრავო ლიდუ»-ს  
ცნობის მიხედვით თავმჯდომარეობდი 26 მაისს სა-  
სტუმრო «მონოპოლიში» ქართულ ემიგრაციის  
სტუმრებზე და მოკყავს «პრავო ლიდუ»-ს ცნობები-  
დგან შემდეგი აზრით:

«მანიფესტაცია დაამთავრა dr. სოუკუბმა იმით,  
რომ გამარჯვება უსურვა საქართველოს და მის სო-  
ციალდემოკრატიას, რომელიც უღვას სათავეში ამ  
ქვეყნის განმათავისუფლებელ მოძრაობას საბჭოთა  
ოკუპაციის წინააღმდეგ. სხდომის მონაწილენი და-  
შალენ. უსურვეს რა ხანგრძლივი წარმატებითი მუ-  
შაობა საქართველოს პრეზიდენტს ყორდანიას და  
ჩეხოსლოვაკიის პრეზიდენტს მასარიკს.»

სენატორი ნედვედი ამტკიცებს, რომ ამ სიტყვე-  
ბით მე პირდაპირ მოუწოდებ საქართველოს ჩამო-  
შორდეს საბჭოთა კავშირს, რომ ეს მოვიქმედებ იმ  
ისტორიულ მომენტში, როცა იაპონიის იმპერი-  
ალიზმი მხათაა, თავს დაესხას საბჭოთა კავშირს და  
ამით ჩავიდინე უკიდურესათ მტრული საქციელი  
საბჭოთა კავშირის წინააღმდეგ. ამიტომ მეკითხება,  
როგორც სენატის თავმჯდომარეს—მომესხენება თუ  
არა, რომ საბჭოთა კავშირსა და ჩეხოსლოვაკიის  
რესპუბლიკას შორის არის მეგობრული ურთიე-  
რობა, როგორც ამასი ხშირათ გვარწმუნებს ოფი-  
ციალურათ გარეშე საქმეთა მინისტრი dr. ბენეში.  
მომესხენება თუ არა, რომ ასეთი გამოსვლებით ვე-  
რევი მეგობრულ სახელმწიფოს შინაურ საქმეებში,  
რომ ამ რიგათ მხარს ვუჭერ ბრძოლას მეგობრულ  
საბჭოთა კავშირში დამყარებული უფლებრივი წე-  
სების წინააღმდეგ, რომ აგრეთვე ასეთი მოქმედ-  
ებებით ვეწინააღმდეგებ ჩეხოსლოვაკიის მოავრო-  
ბის და მინისტრი ბენეშის სავარაუდო პოლიტიკას,  
რომ ასეთი გამოსვლები სრულიად შეუფერებელია

უკანასკნელ დროს ჩეხოსლოვაკიის კომუნის-  
ტებმა ვაცსარებით დაუწყეს შეტევა საქართველოს  
და ქართულ ემიგრაციას, არ დაივიწყეს ჩვენი გუ-  
ლიათი და ერთგული მეგობარი სოუკუბი, სენატის  
თავმჯდომარე, რომელიც თავამოღებულია საქარ-  
თველოსათვის. ამა წლის 26 მაისს ბ. სოუკუბი თავ-  
მჯდომარეობდა პრადის ქართველთა სადღესასწაუ-  
ლო კრებას. კომუნისტმა სენატორმა ნედვედმა ამის  
გამო შეკითხვა შეიტანა სენატში, ქვემო დაბეჭდი-  
ლი სიტყვა სოუკუბისა ამ შეკითხვის პასუხია. მთე-  
ლი სენატი (გარდა კომუნისტებისა) მსურვალე ტა-  
შით შეხვდა სოუკუბის სიტყვას. სიტყვამ დიდი  
შთაბეჭდალვა მოახდინა ყველაზე დიდ და იგი ჩეო-  
სლოვაკიის ყველა გაზენებმა მოათავსეს მეორე  
დღეს და სათანადო კომენტარებიც უძღვნეს.



სენატის თავმჯდომარის ფუნქციის და ვარ თუ არა თანახმა მომავალში ხელი ავიდოდა მსგავს მტრულ და წამქეზებელ მოქმედებაზე?

ამ შეკითხვაზე ვუპასუხებ:

მართალია, რომ მე 26 მაისს თავმჯდომარეობდი ქართველ ემიგრაციის სადამამ პარლამენტი. 26 მაისი ქართველებსაფვის არის ის, რაც ჩვენთვის, ჩვენს სლოვაკიისთვის 28 ოქტომბერი. ეს არის დღე ნაციონალური და სახელმწიფოებრივი დამოუკიდებლობის განახლებისა, ბუნებრივია, რომ ამ კრებაზე მე არ მიმიღია მონაწილეობა როგორც თავმჯდომარეს ჩვენს სლოვაკიის სენატისა, არამედ ვიყავი იქ როგორც თავმჯდომარე კერძო საზოგადოების «საქართველოს მეგობართა კავშირის ჩვენს სლოვაკიაში». მეათე წელიწადია, რაც ამას ჩავდივარ და ასე მოუჭიცივე მომადგომია, ვინაიდან ჩემს მოქმედებაში არაფერია ისეთი, რაც ღირსი იყოს საყვედურის; როგორც საერთაშორისო, ისე უბრალო ადამიანობის ფაქტორებისა.

სრულიად ობიექტიურად აღვნიშნავ აგრეთვე, რომ შეკითხვის შემდგომი არ არის უფლება მოსილი, რომ მე გამოკეთოს ინტერპელაცია ისეთ საქმეში, რომელიც შეადგენს თვით მეორე სახელმწიფოს ოფიციალურ საქმეებს კომპეტენციას. წელს 5 ივნისს შესრულდა სწორედ ათი წელიწადი, რაც ერთი მხრით ჩვენს სლოვაკიის წარმომადგენლის და მეორე მხრით კავშირის სრულუფლებიანი წარმომადგენლის მოსტოვენკოს მიერ დადებულ იქნა დროებითი ხელშეკრულება, რომელითაც მოწესრიგებულია სახელმწიფოებრივი და ეკონომიური ურთიერთობა ჩვენს სლოვაკიის რესპუბლიკასა და საბჭოთა კავშირის რესპუბლიკათა შორის, ამავე ხნის განმავლობაში ვარ აგრეთვე თავმჯდომარე «საქართველოს მეგობართა კომიტეტის ჩვენს სლოვაკიაში». მთელი ამ ხნის განმავლობაში არ დაუნახავს არც მიზან-შეწონილად და არც საბუთიანად საბჭოების რომელიმე ორგანოს იქ თავის ქვეყანაში და აქ უცხოეთში, რომ ჩემი ასეთი გამოცვლები თუნდ ერთი სიტყვითაც საყვედურით მოეხსენებინოს. არ ქონია ამას ადგილი არც ოფიციალურად, არც არა ოფიციალურად. საბჭოთა სავაჭრო მისიის წარმომადგენელს პრადამი არც ერთი სიტყვითაც რაიმე პრეტენციით არ მოუშართავს ჩემდამი ამ მხრივ, როცა ის სადარბაზოთ იყო ჩემთან, როგორც სენატის თავმჯდომარესთან და არ ქონია ამას ადგილი არც ჩვენს სლოვაკიის საგარეო პოლიტიკის ოფიციალურ წარმომადგენელ ბატონ მინისტრ ბენეშისადმი.

ამ ინფორმაციას საქართველო მიმართა დაუმატა შემდეგი:

ქართველები არიან განსაკუთრებული ისტორიული ერთი კავკასიაში, რომლის რიტხვი უდრის ორ ნახევარ მილიონს. ის არის ერთი დემოკრატიული, უმაღლესი ევროპული კულტურის და შესანიშნავი ლიტერატურის, საქართველო, ძველი ათას წლიანი დიდებული ანტიური კოლხიდა, მისი შავი ზღვის ნაპირებით, მსოფლიოში განთქმული მარგანეცი და ბუნების სხვა მრავალი იშვიათი სიმდი-

რით, თავისი დაბურული ტყეებით და ყოველნაირად საამაყო, მუდამ მზიანი სამხრეთით, სივრცისავაქრო გზაჯვარედინზე ევროპას და აზიას შორის და წარმომადგენს ქვეყანას უდიდესი მომავლით. ასევე წყალთა განსაკუთრებაში იყო საქართველო დამოუკიდებელი სახელმწიფო და მხოლოდ 120 წლის წინეთ რუსეთის შედეგების ანექსიით შეერთებულ იქნა დიდ რუსეთთან. მოხდა რა რუსეთის რევოლუცია, ქართველმა ხალხმა თანახმად საყოველთაოდ აღიარებული ერთა თვით გამორკვევის უფლების პრინციპისა, მოახერხა აღედგინა თავისი ეროვნული და სახელმწიფოებრივი თავისუფლება და 26 მაის, 1918 წელს მოიწყო თავის დემოკრატიულ რესპუბლიკაში სახელმწიფოებრივი და ნაციონალური დამოუკიდებლობა.

დემოკრატიული საქართველო ცნობილ იქნა ფაქტიურად 11 იანვარს 1920 წლ. ვერსალის კონფერენციის მიერ და 27 იანვარს 1921 წლ. ის ცნობილ იქნა დე იურეთაც მთელი რიგი სახელმწიფოების მიერ — როგორცაა საფრანგეთი, დიდი ბრიტანეთი, იტალია, ბელგია, იაპონია, პოლონეთი, რუმინია და სხვა.

თვით საბჭოთა მთავრობამ იცნო საქართველო დე იურეთ და დადვა მასთან ხელშეკრულება მოსკოვში 7 მაისს 1920 წლ.

ეს ხელშეკრულება შეიცავს 16 მუხლს და პირველი ორი აღიარებს სიტყვა სიტყვით შემდეგს:

მუხლი 1. «რუსეთის სოციალისტური საბჭოთა ფედერატიული რესპუბლიკა აღიარებს რა თავისუფალი თვით გამოკვევის უფლებას ყველა ერებისათვის და ეს გულისხმობს სრულს გამოყოფასაც იმ სახელმწიფოსგან, რომლის წევრი ის იყო ამ დრომდის, და ეყრდნობა რა ყველა ერების ამ უფლებას, სცნობს ყოველი პირობის გარეშე საქართველოს სახელმწიფოს დამოუკიდებლობას და სუვერენობას და თავის ნებით ხელს იღებს ყველა იმ უფლებებზე, რომელიც დღემდე ეკუთვნოდა რუსეთს როგორც ქართველ ხალხზე ისე მისი ქვეყნის შესახებ».

მუხლი 2. «რუსეთის სოციალისტური საბჭოთა ფედერატიული რესპუბლიკა ეყრდნობა რა იმ პრინციპებს, რომლებიც აღიარებულია ამ ხელშეკრულების წინა მუხლში. პირობას სდებს არ ჩაერიოს საქართველოს დემოკრატიულ რესპუბლიკის შინა-ნაურ საქმეებში».

საქართველოს რესპუბლიკამ დაარსა აგრეთვე დიპლომატიური წარმომადგენლობა საზღვარგარეთ, რაც დღემდის ცნობილია დასავლეთ ევროპაში.

ასეთი დღევანდელი უფლებრივი მდგომარეობა საქართველოს; მთელი 12 წლის განმავლობაში დღევანდლამდის ამ უფლებრივ მდგომარეობაში არავითარი ცვლილება არ მომხდარა. მოხდა ცვლილება ფაქტიურ მდგომარეობაში, 1921 წლის გაზაფხულზე გარკვეულ იქნა საქართველოს დამფუძნებელი კრება და მთელი საქართველო რამდენიმე კვირის განმავლობაში სახელის ბრძოლებს შემდეგ დაპყრობილ იქნა საბჭოების სამხედრო და პოლიტიკურ ძალებით და ქართველ ხალხს ამ ძალით თავზე მოახვიეს საბჭოთა რეჟიმი. მრავალი მოწინავე მუშაკი

და პოლიტიკური პარტიების წარმომადგენლები გამოიხიზნენ უცხოეთში, გამეფებულ ტერორის გამო.

საქიროთ მიმჩნია შევნიშნო, რომ არას დროს არ ჩავრევივარ საბჭოთა რუსეთის შინაურ საქმეებში, ამ მხრივ ყოველთვის ვიდეკი ჩვენი ჩეხოსლოვაკიის, ლევიის თვალსაზრისზე და მუდამ ვიცავდი სოციალისტური ინტერნაციონალის შეხედულებას, რომლის ბიუროს წევრიც ვარ, რომ საბჭოთა რეჟიმის არსებობა რუსეთში არ იძლევა არავითარ საბუთს რაიმე ინტერვენციისათვის უცხოეთის მხრივ და თვით რუსეთის ხალხის საქმეა დამოუკიდებელივ გადასწყვიტოს, რა ნაირიც მას სურს ფორმა მართვა გამგეობის და მოაწესრიგოს ურთიერთობა ამ მიწაზე მცხოვრებ ერებსა შორის.

დაბოლოს საქიროთ მიმჩნია აღვნიშნო, რომ ქართველ ემიგრაციაში გავიცანი პიროვნებები იშვიათი კულტურის, ერუდიციის და პატიოსნების. ვასრულებ ჩემს ელემენტარულ ადამიანურ მოვალეობას, როცა ამ ჩემ ქართველ მეგობრებს ვეხმარები ჩემი ძალღონის მიხედვით, სიტყვით თუ საქმით. ჩვენი რესპუბლიკა აძლევს პოლიტიკურ ემიგრანტებს თავშესაფარის უფლებას, მას შეუძლია იყოს სრულიად მკაცროფილი და ქვეშაობილი იამაყს ამით. გადაჭრით ვაცხადებ, რომ არასოდეს არ დაუშვებთ რომ ეს უფლება თავშესაფარისა ჩვენში როდისმე გაუქმდეს და ჩადენილ იქნას მტრული მოქმედება პატიოსანი ადამიანების მიმართ. მათი დაბრუნება სამშობლოში დღეს, დღევანდელი რეჟიმის არსებობის დროს მოასწავებდა მათ დევნას, დასჯას, გადასახლებას, ციხეს და სიკვდილით დასჯასაც. იმისთვის მხოლოდ, რომ ისინი იბრძვიან თავისი ერის თავისუფლებისათვის, დემოკრატიისათვის...

**მკოვნილი ღამოუქიღამლოგის იღამ  
მე-19 საუკუნის ქართულ ლიტერატურაში \*)**

საბედისწერო აღმოჩნდა საქართველოსთვის მეცხრამეტე საუკუნე, საუკუნე ადამიანის პიროვნების და ხალხთა უფლება-თანასწორობის დამცველი, მრავალ ჩაგრულ, დამონებულ ერთა მკვდრებით აღდგენის მოწამე!

სწორეთ ამ საუკუნის გარეკრამზე აღსრულდა ბედი ქართლისა, მოისპო მისი სუვერენობა და თავისუფლება, დამოუკიდებლობის მოტრფილოვ ერს მძიმე მონობის უღელი კისრად დაედო, რკინის ბარკილი ხელთ გაეყარა...

«არა აღორძინებისათვის ძალთა, არა ნივთთვისა მივიღებთ ჩვეთვის ზედა ტვირთსა საქართველოს სამეფოსა მმართველობისასა, მხოლოდ პატივი და კაცობრიობა სდებენ ჩვენზედა სამდრთოსა ვალსა, მსმენმან ვნებულთა ვედრებისა, განსადგენელად შექვივრებათა მათთა დავაწესოთ საქართველოსა

\*) ეს სიტყვა ვარშავის რადიოთი გადაცემული იყო ქართულ ენაზე.

შინა მართველობა ჩვენი, დალადებდა ალექსანდრე «კურთხეულის» მანდიფესტი საქართველოს შემოერთებით გამოწვეული.

არა ერთხელ შემოჭრილა საქართველოს ხანგრძლივ ისტორიის მანძილზე უცხო ძალა მის საზღვრებში, არა ერთხელ ცეცხლითა და მხველით აღუგავთ, ხელთ უგდიათ მშვენიერი მისი ქვეყანა, მაგრამ არასოდეს სმენია ჩვენს სამშობლოს ასეთი მხაკვრული ყოვლად უსინდისო დასაბუთება-გამართლება თვისი ყოვლად ხეპრე, საქციელ-მოქმედებისა. დამხმარედ, მფარველად მოწვეულმა ერთმორწმუნე რუსეთმა დაარღვია, გასთელა ფენ-ქვევ დიდებული ხელშეკრულება და სრულიად მოულოდნელად ზურგიდან მხვეილი ჩაჰკრა მისდამი ნდობით აღჭურვილ ერს.

საყოველთაო აღშფოთება გამოიწვია ერთმორწმუნე ნათესავის საქციელმა. ვაისმა პროტესტები და წყევა-კრულვა არა მკითხე მანქონებლის მიმართ. და როს ვერავითრმა სიტყვა-მუქარამ ვერ გასჭრა, აჯანყებათა ცეცხლის ალი ავარდა თითქმის მთელ საქართველოში: «ვერავი რუსეთის განდევნა და საქართველოს დამოუკიდებლობის აღდგენა».—აი რა იყო წმინდა მიზანი ამ ერთი მეორის მომდევნო აჯანყებათა მთელი რიგისა.

მაგრამ უმოწყალო ბედმა გასწირა ჩვენი ქვეყანა და უსწორო ბრძოლაში მრავალგზის სასტიკად დამარცხებული, საუკეთესო მამულიშვილთა სისხლით მორწყული, უბრალო გუბერნიად გადაქცეული მოექცა ისიც უწარმანარ რუსეთის იმპერიის ხალხთა საპყრობილეთში.

დაიწყო ახალი ხანა ჩვენი ერის ცხოვრებისა, ხანა აღსავსე გამოუთქმელი ტრაღიზმით და მწუხარებითა. ხოლო დღეს მე არ ვფიქრობ მეცხრამეტე საუკუნის ჩვენი ცხოვრების ისტორიაზე ლაპარაკს. ჩემი საუბრის მიზანია გავუქება, მოვანება თქვენთვის იმისა, თუ როგორ მიიღო, როგორ გამოეცხმა-ურა და შეაფასა ქართულმა ლიტერატურამ უცხო ძალის შემოჭრა-დამყარება ჩვენს ქვეყანაში.

ცნობილია, რომ მწერლობა თავისი ეპოქის უტყუარ დამდას ატარებს, რომ ყოველივე ის, რაც აწუხებს, აღფრთოვანებს თუ აღაშფოთებს ერს, ყოველივე ეს მის შემოქმედებაში პოულობს თავის ანარეკლს, თავის გამოსახვას. და ამიტომაც ვისაც სურს გაეცნოს წარსულ ეპოქას, ჩასწვდეს ერის სულს და მის ტკივილებს, მოვალეა უპირველესად ყოვლისა გაეცნოს, დაეწადოს მის ხელოვნებას.

და თუ ჩვენც ოდნავ მაინც გადავფურცლავთ, თვალს გადავავლებთ მეცხრამეტე საუკუნის ლიტერატურას დღიდან რუსეთის ჩვენში დამკვიდრებისა დასასრულამდე, დავინახავთ რომ გლოვა-ტირილი დაკარგულ თავისუფლებაზე, ოცნება და ფიქრი საქართველოს დამოუკიდებლობის აღდგენაზე არის უმთავრესი მამოძრავებელი აზრი და მოტივი ამ საუკუნის მთელი მწერლობისა.

არ არის ერთგვარ ინტერეს მოკლებული ის გარემოება, რომ ისე, როგორც ბატონიშვილებმა პირველად ააფრიალეს აჯანყების დროშა და სამკვდრო-სასიცოცხლო ბრძოლის ფრენტი გაუმართეს ვერავ





მტერს. სწორედ ისე, პოეზიის ფრონტზე მათი დები მარიაშ, თეკლე და ქეთევანი იყვნენ პირველნი, რომელთაც უსახლვრო ზიზლი და სიძულვილი რუსეთისადმი ჩააქსოვეს თავის აღშფოთებული სულით და მწვავე ნაღვლით აღსავსე ლექსებში.

«დაჰფარა ჩრდილოთ ღრუბელმან მნათობთარენი ბნელითა, წარსდეს წალოტი მალაღნი, ჰოი, საცთურითა ძნელითა!».

«ჩრდილოს კერძომან საბავთო ქარმან მძვინვარედ მქროლმან და შეუწყნარმან ჩემნი მთიებნი ჰყო გარის-გარმან, მიმოაბნივა შავ ბედის ღვარმან»...

«ჩრდილოთ ვიხილე მცირე ღრუბელი აზის მთიებთ დამბნელებელი»...

ასეთი მწუსარება-ბედის ჩივილით აღსავსეა მათი ლექსები.

შეუბრევლობა, სიძულვილი რუსეთისადმი, აი რა ასაზრდოებს მათ ლირიკას, აი რა ახასიათებს იმ დროინდელ ჩვენს მწერლობას და სინამდვილეს.

და მართლაც, არც სინამდვილეში, არც პოეზიაში აღარ არის უკვე რუსეთის ნდობა-იმედი, აღარაფერი საერთო, ყოველივე დამაშორებელი...

პოეტი აღექსანდრე ორბელიანი სწერს შემდეგს: «არავინ ველოდით რუსისაგან ამას, ახლა ვხედავთ, რაოდენ ძნელი ნათესავი ყოფილან. ძლიერნი ძალთა სიმრავლითა, თურმე ყოფილან სუსტნი ზრდილობითა. უცნობნი კაცთა, არ დამფასებლნი ღირსებათა, ცივად მხედველნი, ცივად მგობნობელნი».

ხალონაკოლოზ ბარათაშვილი პოემაში «ბედი ქართლისა» ასეთს აზრს გამოსთქვამს: «სახელმწიფოსა სჯულის ერთობა არა რას არგებს, ოდეს თვისება ერთა მის შორის სხვადასხვაობდეს».

რუსეთთან პირველი შეზღვედრისთანავე მიხვდნენ ქართველი პოეტები და ქართველი ხალხი, თუ რას ნიშნავდა რუსთა მეგობრობა, მიხვდნენ და აჯანყდნენ კიდევ, მაგრამ უკვე გვიანდა იყო. უკანასკნელად კიდევ სცადეს ქართველმა მამულიშვილებმა 1832 წელს, პოლონეთის აჯანყების იმედებით აღფრთოვანებულებმა, ხალხის ამხედრება და რუსების საქართველოდან გაძევება, მაგრამ ეს ცდაც უნაყოფოდ დასრულდა და ნაცვლად რუსებისა ჩვენი მამულიშვილები თვით გაიძევენ, გაიძევნენ ციმბირისა და რუსეთის ჩრდილოეთ გუმბერინებისაკენ.

ხალონაკოლოზ «კუთხეულის» და ნიკოლოზ პირველის რუსეთი ჩრდილოეთის ოკეანოდან შავ ზღვამდე გადაქიმული, ნაპოლიონის დამარცხებით გზხვიადებული, სულთამხუთავ ვეშაპივით გადააწვა არამც თუ პაჭია საქართველოს, არამედ თითქმის მთელს ევროპასაც.

გაქრა, მოისპო ყოველგვარი იმედი განთავისუფლებისა, შესწყდა მუდმივი ამბოხება აჯანყებანი, მოტყდნენ, მოიხნიქენ წელში მრავალნი და საქართველო თითქოს შეუბრედა, დაემორჩილა თვის ბედს და მონობას! უიმედობამ, უსახლვრო სასოწარკვეთილებამ შეიპყრო, მოიცვა ყოველივე, და ეს სასოწარკვეთილება შეიპყრა, გამეფდა ჩვენს პოეზიაშიც. აწმყოს წყევა-კრულვა, სულით ობლობა და მარ-

ტობა, სამშობლოს გმირულ წარსულზე მოთქმა-გოდება, აი რა არის საგანი იმ დროინდელ ჩვენი მწერლობის, აი რა ამოძრავებს, რა აკენებს მეცხრამეტე საუკუნის პირველ ნახევრის ჩვენს პოეტებს.

და თუ ისეთი პოეტიც კი, როგორც გრიგოლ ორბელიანი, რომელიც თავის ქვეყანას ასეთი სიტყვებით შეამკობს: «სხვა საქართველო სად არის, რომელი კუთხე ქვეყნისა, ერი გულადი, პურადი, მებრძოლი შავის ბედისა, შავთა დროთ ვერა შესცვალეს მის გული ანდამანტისა, იგივე მხნე, იგივე მღერალი, მოყვარე თავის მიწისა»... კპარავას იმედებს საქართველოს განთავისუფლებისა და სასოწარკვეთილებას ეძლევა, რაღა უნდა ვსთქვათ დანარჩენებზე...

და აი სწორედ ამ დროს, როს ჩვენი ერი თითქოს სულით დაეცა და მოიქანცა, როს მისი ძალა და ენერჯია უსწორო ბრძოლებში დაიშრიტა, გამოილია, დაიქსაქსა, იმ დროს, როს, პოეტის სიტყვები რო ვისმართო, «არსიდან ხმა, არსით ძახილი, მშობელი შობილს არას მეტყოდა, მხოლოდ ხანლისან ამომხანილი ქართლის ძილშია კვენსა ისმოდა»... სწორედ ასეთ საშინელ დროს საქართველო პოეზიის და ცხოვრების ასპარეზზე გამოჩნდა გუნდი თერგდალეულთა, მოუსვენარი, მუდამ მშფოთავი თერგი თავის სიმბოლოდ რო გაეხადა, მის წყალს რო ზიარბულიყვენ, მისი დაუდევარი სული დასტიქია რო შეეთვისებია.

გამოჩნდა გუნდი, რომლსაც უტენი ფოლადისებური ნებისყოფა ახასიათებდა, რომელსაც ბრძოლა სწყუროდა, თავისი ხალხის უკვდავება განთავისუფლების რწმენა-იმედი არ დაჰკარგოდა! «არ მამკვდარა, მხოლოდ სძინავს და ისევე გაიღვიძებს, ვინც შენარის იმის სიკვდილს, უმალ მასვე დაამიწებს!».

მოვა დრო და თავს აიშვებს, იმ ჯაჰს დასწყევტს გმირთა-გმირი, სიხარულად შეეცვლება ამდენი ხნის გასაქირი!».

აი ასეთი წინასწარმეტყველური ინტუიცია-აღფრთვანებით გატაცებულნი შემოიპურენ საქართველოს პოეზიის პარნასზე ილია ჭავჭავაძე, აკაკი წერეთელი და ძმანი მათნი. მათ უარჰყვეს, უკუაგდეს აქამდის მწერლობაში გამეფებული უიმედობა, გლოვა-ტირილი.

«მოვიკლათ წარსულ დროებზე დარდი, ჩვენ უნდა ჩვენი ვშვათ მყოლობადი, ჩვენ უნდა მივცეთ მომავალი ხალხს!»... და თვის მიხნად, თვის ბრძოლის საგნად ჩვენი თავი «ჩვენვე უნდა გვეყუდნოსო» გამოაცხადეს.

და ამ მიხნის, ამ ლოზუნგის განხორციელების სამსახურს შეალიეს მთელი თვისი დაუშრეტელი ნიჭი და შემოქმედება. მათ სწამდათ თვისი მოწოდება, მაღალი დანიშნულება: «მე ცა მნიშნავს და ერი მზრდის, მიწიერი ზეციერსა, ღმერთთან მისთვის ვლაპარაკობ, რო წარუძღვე წინა ერსა», აცხადებს ამაყად ილია ჭავჭავაძე თერგდალეულთა უებრო მერთომე და მთელი ნახევარი საუკუნის განმავლობაში თავს დასტრიალებს, წინ მიუძღვება, გზას მიუნათებს ერს მიძინებულს და ძალა-ლეულს...



განა საჭიროა ან შესაძლოა ჩამოთვლა ილიას და აკაკის ნაწერებისა? განა თვითუღმა ჩვენთაგანმა დღეის ქუძუსთან ერთად არ შეიწოვა, არ შეიფიცა მაგი ყოვნიის ვნება და სიმსურვალე? განა დიმიტრი თავდადებულის, თორნიკე ერისთავის, ბაშინჯიას, ნათელასი, პატარა კახის სახე-შავალითებმა არ გამოზარდეს, არ აღაფრთოვანეს ის თავგანწირულნი გმირები, მეოცე საუკუნის უღელტეხილზე მტერს რომ ეკვეთნ და სამშობლოს სამსხვერპლად თვისი სიცოცხლე სისხარულით. აღფრთოვანებით რა მიიტანეს?!

განა ბარათაშვილის, ორბელიანთა, ილიას, აკაკის, ალექსანდრე ყაზბეგის, მამია გურიელის, რაფინელ ერისთავის, ვაჟა-ფშაველას და მრავალ სხვათა პოეზიამ არ შევკრა, შეაკავშირა დაქსახული ჩვენი ერთი, არ აღანთო უტყუბი ბრძოლის უნიითა, არ მოუპოვა, არ განუმტკიცა რწმენა თვისი თავის, თვისი უკვდავებისა?...?

დიახ, როს ერი ჩვენი სისხლით დაცლილი დაეცა უღონოდ ბრძოლის ველზე, როს ჩაჰქრა ცეცხლი აჯანყებისა საქართველოს ყოველ კუთხეში—პოეზიის მიუვალ, ხელუხლებელ ტაძარში დაინთო უკვდავი მარადიული ცეცხლი სულიერი აჯანყება-ამბოხებისა, ცეცხლი წმინდა ქურუმთა—ქართველ პოეტთა მიერ გაღვივებულ-გაჩირადნებული, და თუმა რუსეთის უხეში ძალა დაეუფლა-დაეპატრონა საქართველოს ყოველ სიმაგრეს, ვერასოდეს ვერ აიღო, ვერ დაიპყრო მან სულიერი ჩვენი სიმაგრე, ვერ ჩაჰქრო, ვერ ჩააბნო ცხოველმყოფელი ჩვენი მწერლობა! როგორც წყვიდადით მოცულ დამეს მოკაშკაშე ვარსკვლავებით მოჰვიდელი ცა იპყრობს, იტაცებს ადამიანის თვალს და ოცნებას, სწორედ ისე მეცხრამეტე საუკუნის შავბნელ ხანის ისტორიას ამშვენებურებს მომხიბლავი, წმინდა გრანობა-გაბედების მარგალიტებით აქარბული ჩვენი მწერლობა.

და დღეს, როს თავისუფალ სინეკვიჩის და მიცკევიჩის ქვეყნიდან გელაპარაკებით, იმ მიცკევიჩის, რომლის პატრიოტულმა ლირიკა-პოეზიამ ასე მოიხიბლა, ასე გაიტაცა საუკეთესო ჩვენი მწერლები, როს შევეყურებ მკვდრეთით აღდგენილს, გაერთიანებულს პოლონეთს, რომელიც ჯერ კიდევ ამ რამდენიმე წლის წინედ დაფლეთილი და სისხლით მღრწეული იყო, უტყუბი რწმენა-იმედით ივსება გული და მსუბუხე უკვდავი სიტყვები განვიმეორო:

«ჩემო კარგო ქვეყანავ, რაზედ მოგიწყენია, აწყლო თუ არ გწყალობს, მამაგადი შენია!»... ხოლო ჩვენ კი, შენი შვილები უცხოეთში დაფანტულ-გადატყყარცნილნი, შენს ხილვას—დანატრულ-მოწყურებულნი კვლავ გუუბნებთ: «ჩემო თუთინ სკოლენ-პოლემანს ბენედიქტარად და ყველგან, საქართველოვ, ჩვენ ვართ შენთანა, შენის სისხლითა გული სრულად ვარდასიბანა!»...  
 კ. ნაკაშიძე.

მ ზ ე მ - მ ა ლ ა ე  
 არსებობს დედამიწაზე ერთი ქალი, რომელსაც უწოდებენ მზე-ქალას. მთელს ხალხს იზიდავს იგი თავისი მკაცრი სიბრწყინვალით.

ბედნიერი შემთხვევა მქონდა მოწამე-ყვადილი-ყავი შემდეგი საუბრის:

— მზე ქალას ახალი ამბები მივღეთ. ყველაზე მეტს სიმაძაცეს იჩენს მუდამ. მისი მოქმედება ფართოვდება. ის ხდება თანდათან ჩვენი ნუგეში, ჩვენი იმედი.

ვინც ამას ლაპარაკობდა, ქართველი იყო—ჩაკვირვებული, დაფიქრებული. მე მას განმარტება ვთხოვე.

— თქვენ იცით, მიპასუხა, რომ ბოლშევიკებმა გასრისეს ჩვენი ქვეყანა. მაგრამ ჩვენ ორი მილიონი ერი ვართ და მეთორმეტე წელიწადია ვებრძვით უღელს, რომელმაც საშინელება მოგვივლინა. ჩვენი სატახტო ქალაქი ტფილისი გარეგნულად დაწყნარებულია. უცხოელი რომ გაივლის, რუსის მართველობა ისე იქცევა, როგორც ყველგან: იქ წაიყვანენ უცხოელს, სადაც სურთ და შეუბრალებელი პოლიციის დაშინებული ჩვენი მოქალაქენი კი სდუმან. ხოლო ვისაც წამდელი მდგომარეობის ვაგება უნდა, მზე-ქალა უნდა ნახოს.

— მზე ქალა?

— ეს ერთი ახალგაზდა ქალია, უბრალო გლეხის შვილი; ამ თვეზე მეტია ბრძოლას აწარმოებს დამოუკიდებლობისთვის. მამა მისიც მის ხელმძღვანელობის ქვეშაა. მზე-ქალამ გაწმინდა ბოლშევიკებისაგან ბევრი ჩვენი მთა-აღვლიანი. ქართველმა გლეხებმა გაიგვეს კომუნისმის გეო და მეტი აღარ უნდათ. მოსკოვს დაემორჩილნ? სიკვდილს ამჯობინებენ უმალ. რუსებმა, რასაკვირველია, თავის ჩვეულებრივ სიჩქვეცეს მიმართეს. 1924 წელს სამი დღის განმავლობაში რვა ათასი ადამიანი დახვრიტეს! მაგრამ მზე-ქალა თავს ინახავს მაღალ მთებში. ჩვენი ძველი ქვეყანა მთლად გაწყდება და ბოლშევიკებს არასოდეს დაემორჩილება. ჩვენ ანტიური ერთი ვართ, ძველი ცივილიზაციისა, როგორ შეგვიძლია იგიდლოთ უცხოთა უღელი, რომლებიც გაცილებით ჩვენი დაბლა დგანან და გვპყრობენ მხოლოდ თავის ტლანკი და პრიმიტული სიმარაცით.

ასე შევიტყვე, რომ კავკასიაში აღსდგა ქანად აზიკი. თვით ხალხის შუაგულიდან წარმოშობილი, რომელიც შეფარებულია მთებში და რომელსაც ძველი ჩვეულების დანახმად, მეტ-სახელად უწოდებენ მზე-ქალას.

Louis Forest.

დაბეჭდილი იყო პარიზის გაზეთ «მატენ» ამა ივლისის ათის ნუმერში. მისი ავტორია ცნობილი მწერალი, რედ.



საქართველოს საკითხი

და მეთექვსმეტე ყრილობა ერთა ლიგის დამსმარე საერთაშორისო კავშირისა.

4—9 ივლისს მოჰხდა პარიზში მეთექვსმეტე ყრილობა «ერთა ლიგისა დამსმარე საერთაშორისო კავშირისა». ამ კავშირს აქვს დიდი მნიშვნელობა: მისი მიზანია მხარი დაუჭიროს ერთა ლიგის მუშაობას, მოამზადოს საზოგადოებრივი ახრი მისი უფლებრივი პრინციპების გასატარებლათ, გააფართოვოს ფარგალი მისი მოღვაწეობის და ამრიგად ხელი შეუწყოს უფლების და მშვიდობიანობის განმტკიცებას მსოფლიოში.

ამ საერთაშორისო კავშირის წევრები არიან ნაციონალური საზოგადოებანი, წესიერად დაარსებული სხვადასხვა ქვეყნებში იმავე მიზნის მოსაწესრიგებლათ. — საქართველოშიაც იყო დაარსებული ეს საზოგადოება 1919 წელს; ბოლშევიკური რუსეთის თავდასხმამ შეაფერხა მუშაობა ამ საზოგადოებისა, მაგრამ კი ვერ შესწყვიტა მისი მოღვაწეობა. საზოგადოება მუშაობს პარიზში და ჰღებულვბს მონაწილეობას ამ მსოფლიო მოძრაობაში, რამდენად ეს მისთვის შესაძლებელია.

ამ უკანასკნელ ყრილობაზე საქართველოს დელეგატებმა დანიშნულ იყვნენ: ვიარგი გვანავა, ივ. ზურაბიშვილი, ს. შავიშვილი და კ. გვარჯალაძე.

ყრილობა გაიხსნა ლორდ სესილის თავმჯდომარეობით. წარმოდგენილ და გარჩეულ იქნა ბევრი მეტად მნიშვნელოვანი საკითხი. იმათი ჩამოთვლას ჩვენ აქ ვერ შეუდგებით; აღვნიშნოთ მხოლოდ, როგორც იყო დაყენებული და გატარებული საქართველოს საკითხი.

წარდგენილ იყო შემდეგი პროექტი რეზოლუციისა:

«საერთაშორისო კავშირის საერთო ყრილობამ მიიღო 5 ივნისს 1921 წელს რეზოლუცია საქართველოს სასარგებლოდ, ვინაიდან ეს ქვეყანა დაპყრობილი იქნა საბჭოთა ლაშქარის მიერ წინააღმდეგ მის და მოსკოვის მთავრობათ შორის დადებულ ხელშეკრულებისა. ეს რეზოლუცია მოითხოვდა ერთა ლიგისაგან, რათა მას აეღო ხელში საქართველოს საკითხი და აღედგინა თავისუფლება ამ ქვეყნისა.

მეთექვსმეტე ყრილობა კმაყოფილებით აღნიშნავს, რომ ერთა ლიგამ მართლაც ორჯერ (1922 და 1924) იქონია მსჯელობა საქართველოს საკითხზე და მიიღო გადაწყვეტილებანი, რომლის ძალით ავალებდა თავის საბჭოს, არ გამოეშვა ხელსაყრელი მომენტი, რათა დაებრუნებინა საქართველოსათვის მისი თავისუფლება. ყრილობა გამოსთქვამს რწმენას, რომ ეს დავალება ერთა ლიგისა ასრულებულ იქნება ბოლომდე მის საბჭოს მიერ».

წაკითხულ იქმნა ეს რეზოლიუცია თუ არა, რუსების დელეგაციის თავმჯდომარემ, ბ. ავკსენტიევმა, განაცხადა, რომ რუსების დელეგაცია თავს იკავებს

სმის მიცემისაგან და მოითხოვდა სიტყვა მოტივის გასაკეთებლად.

ჩვენ თავს ვიკავებთ, განაცხადა მან შემდეგი მოსაზრებით. პირველი: ჩვენ წინააღმდეგ შემოტანილ რეზოლუციისა ვერ წავალთ. ვინაიდან ერთიანი თავისუფლება წმიდათა-წმიდაა, რომლისათვის რუსეთის დემოკრატია ყოველთვის თავგამოდებით იბრძოდა. — მეორე: ჩვენ იმას ვერც მხარსა დაუჭერთ, ვინაიდან რუსეთის დემოკრატის სხვაფრივ აქვს წარმოდგენილი განხორციელება ვრცელი თავისუფლებისა. იგი ჰფიქრობს, რომ ეს განხორციელება უნდა მოხდეს რუსეთის სახელმწიფოს გარდაქმნით ვრცელი ფედერატიული წყობილების ნიადაგზე.

მანვე ცხადი იყო: გამოდიოდა, რომ საქართველომ უნდა მიიღოს თავისუფლება არა საერთაშორისო ნიადაგზე და საერთაშორისო მასშტაბით, არამედ მხოლოდ რუსეთში და მხოლოდ მოსკოვის განკარგულებით. ეს არ გამოეპარა საქართველოს დელეგაციას და მის თამჯდომარემ, ბ. ვიარგი გვანავამ, მოითხოვა სიტყვა და გავიდა ტრიბუნაზე:

— შემოტანილი რეზოლიუცია, განაცხადა მან, ერთმანდ მიღებულ იყო ჯერ მუდმივ კომისიაში, შემდეგ იურიდიულ და პოლიტიკურ ბიუროში დაგა არსად გამოუწვევია და ის მართლა უღაცაა. მის პირველ ნაწილში ნახსენებია რუსეთის და საქართველოს შორის დადებული ხელშეკრულება, რომელმაც მიიღო საერთაშორისო საჩქარა იმ დაქტის ძალით, რომ საქართველო ცნობილ იქმნა de iure, როგორც თავისუფალი და დამოუკიდებელი სახელმწიფო. მიუხედავად ამ ხელშეკრულებისა და ამ საერთაშორისო ცნობისა, რუსეთი თავს დაესხა საქართველოს და დაიპირა მისი ტერიტორია. აშკარაა, ეს არის სრული უარისყოფა საერთაშორისო უფლებისა და პირდაპირ ბოძოლა იმ პრინციპების წინააღმდეგ, რომელზედაც აგებულია თვით ერთა ლიგა და რომლის დაცვა და გატარება ძირითადი მიზანია ამ ყრილობისა. ეს მტკიცდება იმიტაც, რომ საქართველოს საკითხი ორჯერ იდგა ერთა ლიგაში და არ შეიძლება არ დადგეს თავის იურიდიული შინაარსით და ბუნებით, ყოველი წინადადება, რომელიც პირდაპირ ან ირიბულად ჰკდილობს გამოაცალოს საქართველოს საკითხს მისი საერთაშორისო ნიადაგი და მნიშვნელობა, შემცდარია და მიუღებელი; ის ეწინააღმდეგება თვით ერთა ლიგის დადგენილებებს. ამიტომ მე ვთხოვ ყრილობას, საქართველოს დელეგაციის სახელით, მიიღოს შემოტანილი რეზოლიუცია (შეუცვლელად).

რეზოლიუცია მიღებულ იქმნა შეუცვლელად. ეს მიღება ნიშნავს, რომ საზოგადოებრივი ახრი ევროპისა მხარს უჭერს საქართველოს საკითხს და მოითხოვს ერთა ლიგის საბჭოსაგან შესაფერ ნაბიჯების გადადგმას.

იგიტონ ზეცტიმ ფოთლონ თუ შავაძინეცინ მინშ

### სახელოთა განაწილება

ცენტრალურ ხელისუფლებასა და კონფედერაციაში შექმავალ სახელმწიფოების ხელისუფლებათამცხის, კავკასიის კონფედერაციაში.

სახელოთა (კომპეტენციების) განაწილება საერთაშორისო უფლების უძირითადესი საკითხია. იგი აღიძრება ყოველთვის, როცა საქმე გვაქვს სახელმწიფოთა შეერთებასთან—სულ ერთია, იქნება შეერთება ხანგრძლივი თუ არა. იგი გართულდა განსაკუთრებით მას შემდეგ, რაც დაარსდა ნაციონალიზმა. საზოგადოებრივ უნდა ითქვას, რომ როგორც კი ორი ან რამდენიმე სახელმწიფო ჰქმნის ხელშეკრულებით ახალს იურიდიულს ერთეულს და მას ანიჭებს განსაზღვრულ თვისებებს, უთუოდ წამოიჭრება საკითხი სახელოთა განაწილების წევრ-სახელმწიფოთა და ამ ახალს ერთეულს შორის. მნიშვნელობა არა აქვს, დაწესდება ახალი ერთეული შემაგვალ სახელმწიფოების გვერდით—ნაციონალიზმს და სახელმწიფოთა კონფედერაციას, თუ იგი იქნება ამ სახელმწიფოების უმაღლესი—ფედერალური სახელმწიფო, სახელმწიფოთა სახელმწიფო. მეტიც უნდა ითქვას: სახელოთა განაწილების საკითხი შეიძლება აღიძრას უნიტარულ სახელმწიფოშიც ორგვარი შემთხვევისა გამო. ერთი—თუ უნიტარულ სახელმწიფოს ავტონომიური პროვინციები აქვს, უნდა განისაზღვროს სახელო ცენტრალურ ხელისუფლებასა და ამ პროვინციების ხელისუფლებას შორის. შემდეგ ფორმად მნიშვნელოვანი საკითხია ფუნქციების განაწილება სახელმწიფოს საკანონმდებლო, აღმასრულებელ და სამოსამართლო დაწესებულებათა შორის.

ამგვარად ჩვენ არ ვაპარბებთ. როცა ხაზს ვუსვამთ სახელოთა განაწილების საკითხის არსებობას მნიშვნელობას თანამედროვე საზოგადოებრივ უფლებებში.

მაგრამ არის მეორე გარემოებაც. არ უნდა ავრიოთ ერთიმეორეში სახელოთა განაწილება და სახელოთა გადაცემა. ეს ძნელი გასარჩევია, მხოლოდ ნათლად უნდა გავარკვიოთ ერთი და მეორეც, რათა თავიდან ავიცილოთ გაუგებრობა და შეცდომები. სახელოთა გადაცემის საკითხისთვის არაა საინტერესო, თუ როგორაა განაწილებული სახელო ფაქტიურად. მისთვის საყურადღებოა მართლმის, თუ ვინაა ბატონი უფლებათა განაწილების ანუ ვის შეუძლია შეიტანოს ცვლილებანი ამ განაწილებაში. პირიქით, სახელოთა განაწილების საკითხი ყურადღებას აქცევს მხოლოდ უფლებათა იმ განაწილებას, რომელიც დაწესებულია კონსტიტუციით და რომელიც ხორციელდება სინამდვილეში. უნდა ჩავუკვირდეთ ამ კაპიტალურ განსხვავებას.

ჩვენ აქ ახლა ვილაპარაკებთ სახელოთა განაწილებისთვის. როგორ ხდება ეს სახელმწიფოთა კონფედერაციაში? მისი განხორციელება შესაძლებელია სხვადასხვანაირად: ა) შეიძლება პირდაპირ ჩამოვთვალოთ უფლებანი ცენტრალურის და კონფედერა-

ციაში შემავალ სახელმწიფოების ორგანოებისა. ეს ფორმად მარტივი საშუალებაა და საბოლოო ყოველგვარ კონფლიქტის შესაძლებლობას კონფედერაციასა და მის წევრებს შორის. მაგრამ სწორედ იმიტომ რომ მარტივია, ამ სისტემას ნაკლები ფასი აქვს. განა შეიძლება ყველა უფლების ჩამოთვლა? ეგების რამე გამოგვრჩეს და მაშინ ადვილად ჩამოვარდება უთანხმოება.

მეორეს მხრით სახელმწიფო უფლება-მოვალეობანი არაა უცვლელი, სახელონი განიცდიან ევოლუციას თვით დაწესებულებებთან ერთად. ადგილობრივი რიგის თვისებებმა შეიძლება საერთო მნიშვნელობის ხასიათი მიიღოს, რადგან იცვლებიან თვით საქირობანი. რომელთაც ეგუებიან უფლებანი. შეიძლება წარმოიშვას ახალი საქირობანიც, ვინ უნდა იკისროს მათი დაკმაყოფილება? ყველაფერი ეს გამოიწვევს კონფლიქტს ადგილობრივსა და ცენტრალურ ხელისუფლებათა შორის. ამიტომ პირველი სისტემა საერთოდ უკუგდებულა და სადაც კი იგი შემოიღეს (კანადა), აშკარად ცუდი შედეგი მოგვცა. ბ) მეორე სისტემა მდგომარეობს იმაში, რომ ჩამოთვლილია სახელონი ადგილობრივი ხელისუფლებისა და რაც ჩამოთვლილი არაა, ეკუთვნის, ცხადია, ცენტრალურ ხელისუფლებას. ამ სისტემის დროს ადგილი აღარ ექნება ყველა იმ უხერხულობას, რაიც ხემათ მოვიხსენიეთ. ხოლო ვინაიდან ეს ხელსაყრელი არაა შემაგვალ სახელმწიფოებისთვის—მათი თვისებები ვერ გასცილდება გარკვევით ჩამოთვლილს, ამიტომ უფრო მიმართავენ მესამე სისტემას. გ) ეს უკანასკნელი აღწესდაც კონფედერალურ ხელისუფლების უფლებებს და დანარჩენი ეკუთვნის შემაგვალ სახელმწიფოებს. ესეთი წესი აუცილებელია სახელმწიფოთა კონფედერაციაში, სადაც წევრებს—სახელმწიფოებს შენარჩუნებული აქვთ სუვერენობა და სადაც ცენტრალური ხელისუფლება სახელმწიფოთა კი არაა, არამედ უბრალო საერთაშორისო ასოციაცია, იურიდიული პიროვნებით აღქურვილი.

ნორმალურია, რომ კავკასიის კონფედერაციის პაქტს მოხსენებული აქვს ეს სისტემა პირველ მუხლში, სადაც ამბობს, რომ წევრები—სახელმწიფოები «განახორციელებენ ყველა უფლებას, რომელიც გარკვევით და გამორიცხვითი წესით არაა გადაცემული საკონფედერაციო ძალაუფლების ორგანოებისთვის».

ამ მუხლიდან სჩანს, რომ ორი პირობაა საქირო, რათა საქმე გამოირიცხოს შემაგვალ სახელმწიფოთა სახელოდან. ერთი—საქმე გარკვევით უნდა იყოს გადაცემული საკონფედერაციო ხელისუფლებისთვის, რაიც უარყოფს ყოველგვარს ჩუმს გადაცემას ან პაქტის დადგენილების გაფართოვებულ განმარტებას. მეორე—უფლება საკონფედერაციო ძალაუფლების ორგანოებისთვის უნდა იყოს გადაცემული გამორიცხვითი წესით. ე. ი. რაც ცენტრალურ ხელისუფლებას ეკუთვნის, გამორიცხულია შემაგვალ სახელმწიფოების სახელოდან. პაქტი უკუაგდებს იმას, რასაც უწოდებენ შეჯიბრებითს ან უპირატესობითს კომპეტენციას და რომლის დროს ერთს ხელისუფლებას

შეუძლია აიღოს საქმე იმ შემთხვევაში, თუ მეორე ხელისუფლება უარს ამბობს მის მოწვევებზე. ეს ეხება საზოგადოებრივ მნიშვნელობის საქმეებს, რომელთათვის შემავალი სახელმწიფოები გამოსცემენ კანონებს, როდესაც ცენტრალური ხელისუფლება თვითონ არ კისრულობს ამას. სახელმწიფოთა კონფედერაციაში უპირატესობითი უფლება აუცილებლად უნდა ეკუთვნოდეს შემავალ სახელმწიფოებს.

კავკასიის კონფედერაციის პაქტი შეცდომით— ჩვენი აზრით— უარყოფს უპირატესობითს კომპეტენციას. პაქტი ფიქრობს, რომ არსებობს გამორიცხვითი სახელო საკონფედერაციო ხელისუფლებისა და გამორიცხვითივე კომპეტენცია შემავალ სახელმწიფოებისა. იგი არ სცნობს ამა შორის საშუალოს. სადაც ორსავე ხელისუფლებას თანაბრად შეეძლოთ კანონმდებლობა. ეს ნაკლია, რადგან უპირატესობითი კომპეტენცია აადვილებს საკონფედერაციო ხელისუფლების გაფართოებას, გარეშე თვით პაქტის საშუალო გადასინჯვისა, გაფართოებას თანდათანობითს, შეუმჩნეველს, რომელიც არ იწვევს ამიტომაც წინააღმდეგობას შემავალ სახელმწიფოების მხრიდან.

თუ კონფედერაციას უნდა არსებობა, ცხოვრება, უნდა გაიზარდოს მისი უფლებანი საერთო საქირებრებათა ზრდასთან ერთად. ხოლო თუ ყოველთვის, როცა დაგვირდება ცენტრალურ ხელისუფლების გაძლიერება, მოგვისდა პაქტის გადასინჯვა, ეს ფრიად დაამძიმებს მდგომარეობას და გააძვირებს განვითარებას. სოციალური დაწესებულებანი, რომელნიც არიან გამომხატველნი სოციალურ სინამდვილისა, არ უნდა იყვნენ უძრავნი და სამუდამოდ ჩამოსხმულნი; მათ უნდა ჰქონდეთ მოქნილობა, განვითარების შესაძლებლობა, რადგან სინამდვილე მუდამ იცვლება და უნდა იცვლებოდეს დაწესებულებანიც. თუ დაწესებულება მეტად წინააღმდეგა სინამდვილეს, უკანასკნელი ამხსნერებს მას რევოლუციონური მოქმედებით.

ფიქრობდენ, რომ ცენტრალურ ხელისუფლების გამორიცხვითი კონპეტენცია სცვლის მთელი დაწესებულების იურიდიულ ბუნებას. ეს შეცდომაა დიდი და მოწმობს ფედერალურ დაწესებულებათა უცოდინარობას. ამაზე კიდევ მოგვისდება ლაპარაკი, ახლა კი აღვნიშნავთ მხოლოდ: ნაციათა ლიგასაც აქვს განსაზღვრული გამორიცხვითი კომპეტენცია—საერთაშორისო მნადატები, უმცირესობათა მფარველობა, ახალი წევრების მიღება და სხვ., მაგრამ აქედან არავინ დაასკენის, რომ ნაციათა ლიგა იყოს სახელმწიფოთა კონფედერაცია. გამორიცხვითი კონპეტენცია არ განსაზღვრავს დაწესებულების იურიდიულ არსებას, ეს მეთოდური შეცდომა თავიდან უნდა ავიცილინოთ.

(დასასრული იქნება)

მის. მუსხელიშვილი.

...ცნობილი პრინციპების მიხედვით...  
...გახეთი «ბრძოლის ხმა» უკანასკნელ №-ში ეხება საქართველოსთვის და საერთოდ მთელი კავკასიისთვის ფრიად მნიშვნელოვან საკითხს— მოსკოვის და ანკარის ურთიერთობას:

«მეფეთა რუსეთი სამართლიანათ ითვლებოდა ოსმალეთის მტრათ. ამ მტრობის გამოჩენა და ფაქტიურათ განხორციელება მას შეეძლო მხოლოდ თავის სახლურების ოსმალეთის სახლურებამდე მიტანით. ეს ამდენაა მოსკოვმა შესძლო საქართველოს დასმარებით. ჩვენი ქვეყანა სპარსეთ-ოსმალს მუდმივი მტრობით იძულებული გახდა შემოეყვანა რუსეთი თავის ფიზიკური არსებობის გადასარჩენათ. ამით მოიშალა ოსმალეთ-რუსეთს შორის სახელმწიფო-ბუფერი და გზა გაეხსნა რუსებს დანარჩენი კავკასიისაკენ და მეზობელი სახელმწიფოებისაკენ. აი უტყუარი გაკვეთილი წასულის, მიმართული ოსმალეთის ინტერესის წინააღმდეგ, მაგრამ შედეგი ოსმალეთის პოლიტიკისა ჩვენში.»

მეფობა დაეცა, ბოლშევიზმა აიშვა, მოხდა ნაციონალური რევოლიუციები, საქართველო და კავკასია აარსებენ დამოუკიდებელ სახელმწიფოთ. გაჩნდა ხელახლა ბუფერი ოსმალეთს და რუსეთს შორის. ყველა ეს თითქოს შედიოდა ოსმალს პოლიტიკის მხედველობაში, ისტორიული მტერი მას შორიდებოდა და მანასადამე ამ პროცესისათვის ხელი უნდა შეეწყო. ნამდვილათ კი მოხდა სულ წინააღმდეგი, ოსმალეთმა მიიღო ყველა ღონე ამ მომორბეული მტერის უკან დასაბრუნებლათ და თავის მოსახლურეთ გადასაქცევათ. მის თავსდასხმას სომხებზე მოყვა სომხეთის გასაბჭოება; აზერბეიჯანის გასაბჭოება მათივე რჩევით და ჩარევით მოხდა. ხოლო როცა საქართველოს იგივე მტერი თავს დაესხა, მეორე მხრით ოსმალთა მოადგა და ბოლოს მოხდა ჩვენი ქვეყნის განაწილება ანკარა-მოსკოვს შორის (მარტის ხელშეკრულება 1921 წ.)...

წასული მომავლის თამაშქია. ოსმალეთის პრესის დღევანდელი გუნდრუკის კმევა საბჭოთა საქმიანობისათვის დასაბუთებაა აღებული პოლიტიკური ხაზის, ხაზის ანტი-კავკასიურის და რუსოფილურის. თუ ამდენხანს ეს ხაზი ტარდებოდა ადმინისტრაციითი ზომებით, როგორც მაგალითად კავკასიური პრესის აკრძალვა ოსმალეთში, ეს გაუფორარი ზომა თანამედროვე სახელმწიფოში. ახლა ის საბუთდება საზოგადო აზროვნებით. რაკი ეს საკითხი გამოვიდა ხელისუფლების კაბინეტიდან და გახდა საგნათ საზოგადო მსჯელობის, აშკარაა მოსალოდნელია საკითხის გაფართოება და მისი მთელი თავისი სიგრძესიგანით წამოყენება. აქ კი მთავარია გამოცალკეება რეჟიმის საკითხის ქვეყნის საკითხიდან, ცნობა იმის რომ საბჭოთა წყობილება ერთი ეპიზოდია რუსეთის გზაზე, რასაც მოყვება სხვა ეპიზოდები. თუ კი ოსმალეთისათვის საბჭოთა სახელმწიფო «კარგი მეზობელია», ნარაირი მეზობელი იქნება მისი მემკვიდრე ხელისუფლება? «კარგი მეზობლის» ძებნა სანაქებოა, საქირთა, მაგრამ მისი მიგნება ასე ადვილი არ დარჩა. თუ ყოველთვის რეჟიმის ინტერესი ქვეყნის



ინტერესათ დასახეთ, რა გარანტია იმის, რომ მტაცებელი მეზობელიც არ იქნას დასახული «კარგ მეზობლათ». არის ერთი უტყუარო ობიექტიური საზომი მეზობლობის და მას ფორავითარი ლამაზი სიტყვები და «ნაგლეჯი ქალღვრი» ვერ დაფარავენ.

თანამედროვე საერთაშორისო ბრძოლის და ქიშკობის ასპარეზზე. «კარგი მეზობელია» მხოლოდ ის, რომელსაც მატერიალურათ არ ძალუძს თავს დაგეხსას და დაგანგრიოს. დღეს ბრმაც კი ხედავს ციდი სახელმწიფოების როლს ქვეყანაზე; მათი რიცხვი ხუთ თითზე ჩამოითფლება, მაგრამ ლამის მთელი ქვეყანა აანგრიონ.

პატარა სახელმწიფო თავისთავად წარმოადგენს გარანტიას მშვიდობიანობის და კეთილმეზობლობის. თუ ის თავის ნებაზე მივებებული და მართლა დამოუკიდებელია. ვინც ნამდვილ დამოუკიდებლობას არ ეძებს, ვინც ბუნებრივათ თვლის უცხო სახელმწიფოს კარანხი თავის საშინაო პოლიტიკაშია ციდი და ფაქტიურათ ვასალური მდგომარეობა დაიწყაროს, მისთვის რასაკვირელია «კარგი მეზობლის» საკითხი ადვილათ წყდება, მისთვის ყველა კარგია ოლენდ გარეგანი თავისუფლება შეიგრინოს. პატარა სახელმწიფო რომელიც ისე მაგრათ არის დამოკიდებული დიდზე, რომ მას მოძრაობის თავისუფლება აღარ აქვს—მოკლებულია ნამდვილ სუვერენიტეტს; და თუ ასე შევხედავთ საკითხს, თუ მართლა სუვერენულ ერზე ვზრუნავთ, «კარგი მეზობლის» საკითხი ძირითადი პრინციპია და მისი გადაჭრა უნდა მოინახოს ობიექტიურ პირობებში და არა სუბიექტიურ უსთიერთობაში.

და აი ჩვენ უნდათ საკითხს ოსმალეთის პრესას: კავკასიაში ვინ უნდა იყოს ბოლშევიზმის მემკვიდრე, კავკასიის ერები თუ რუსეთი? ამ ორში ვინ არის უცილოთ «კარგი მეზობელი»? ამ საკითხის ბანზე ავდებთ არ შეიძლება კონტრ შევითხვებით ინგლისის თუ საფრანგეთის როლზე კავკასიაში, როგორათაც ჩველნი არიან ბოლშევიზმები. ჩვენი ქვეყნის დაცემა მოხდა სწორეთ მაშინ როცა ევროპიული სახელმწიფოს არც ერთი ჯარისკაციც კი არ იდგა ჩვენში, ე. ი. გამოჩნდა, რომ ჩვენი სამხრეთი მეზობლისათვის სწორეთ უდათ სუვერენული პატარა მეზობელი სახელმწიფო აღარ იყო მისაღები. ორში ერთი: ან რუსეთი ან კავკასიის ერები, მესამე კომბინაცია მდის რუსეთის სასარგებლოთ...»

### საქართველოს ამბავი

(გურნალ-გაზეთებიდან)

გასული თვის დამლევს ტფილისში გაიმართა საქართველოს მწერალთა საგანგებო ყრილობა. აირჩიეს 47 კაციანი საგანგებო საბჭო, რომელმაც გამაგყო პრეზიდიუმი შემდეგი შემადგენლობით: გ. ყურულაშვილი, მ. ტორთქელიძე, დ. დემეტრაძე, ს. ეული, პ. ჩხიკვაძე, გ. ბუნიაშვილი, შ. თადეანი, ა. შამაშვილი, ბ. ქვენტი, ნ. მიწიშვილი, ნ. ლორთქიანიძე, ლ. ქიაჩელი, რ. გვეტაძე, ს. ჩიქვანი და ტ. ტაბიძე.—მწერლების კავშირის თავმჯ-

დომარედ არჩეულ იქნა მ. ტორთქელიძე და მის მოადგილეებად ს. ეული და ნ. მიწიშვილი. საბჭომ დამტკიცა პასუხისმგებელ რედაქტორებად: «მნათობისა» გ. ყურულაშვილი, «საბჭოთა მწერლობისა»—შ. თადეანი და «სალიტერატ. გაზეთი»—ს. დემეტრაძე.

—საქ. კომ. პ. ცეკას ბიურომ «გვეფთხი ბრძოლისათვის და საქ. კ. პარტიის ც. კომიტეტის დაპირისპირებისათვის ამ კავკასიის სამხარეო კომიტეტის წინამდევ» საყვედური გამოუცხადა მარიამ ორახელაშვილს და გადააყენა სახალხო განათლების კომისიის თანამდებობიდან. მის ადგილზე დაინიშნა ერმ. ბელია.

### ქართველები პარიზში

პარიზის ქართველ კოლონიას გამოცოცხლება დაეტყუა; განსაკუთრებით ეს ითქმის კულტურულ დარგზე, სადაც ნელ-ნელა, მაგრამ მტკიცეთ ფეხს იდგამს კულტურული მუშაობა ასოციაციის გამგეობის ხელმძღვანელობით და კერძო პირთა თაოსნობითაც.

ივნისის 25. გამართულ იქნა გამგეობის ინიციატივით ბნ დავით ვაჩნაძის მოხსენება: «საით მდის კავკასია». მომხსენებელი შეეხა ბოლშევიკურ პოლიტიკო-ეკონომიურ რეჟიმის შედეგებს და დაახსიათა კავკასიის დღევანდელი მდგომარეობა სავარეო ვითარების მიხედვით. შემდეგ გააკეთა მიმოხილვა ერთობის ტრადიციების კავკასიის ისტორიაში და მოუწოდა კავკასიის ერებს ნაცადი ისტორიული გზით ბრძოლისაკენ. მისი შესწდულებით კავკასიელ ერებს უთანხმოების ნიდავი დღეს არა აქვთ და აზერბეიჯანი, მთა, სომხეთი და საქართველო ერთი მიზნით—თავისუფლებისათვის—ხელჩაკიდებული უნდა იბრძოდნენ.—მომავალში მათი თავისუფალი ცხოვრება კონფედერატიული წესით უნდა გამოისახოს.

— 3 ივლისს, ბ. რევაზ გაბაშვილმა წაიკითხა მოხსენება «ცოტა რამ, ვეფხის ტყაოსანის შესახებ». მომხსენებელი შეეხა რამდენიმე საკითხს, რომლიდანაც პირველი იყო: სპარსულია თუ ქართული «ამბავი» «ვეფხის ტყაოსნის»-ა; და თვით ტექსტის გარჩევით, ზოგადი მოსაზრებით და ანალიზით მომხსენებელი ამტკიცებდა «ამბავის» ქართულობას. მეორე საკითხი; რომელიც მთავარი საკითხი გახდა მოხსენებისა, იყო: სპარსულია და ქართული «მარგალიტები» და «მეფობრობა და ძმად-ნათელიცობა». ამ საკითხზე ბ. მომხსენებელი გადაჭრით ეწინააღმდეგებოდა იმ შესწდულებას, რომელიც ბ. ზ. ავალიშვილმა გამოსთქვა თავის შრომაში: «ვეფხის ტყაოსანის საკითხები», აღსანიშნავია ის ინტერესი, რომლითაც საზოგადოება ეკიდება «ვეფხის ტყაოსანის» საკითხებს, და კამათის მსურველებიც აღმოჩნდნენ, რომ დრო საკმაო ყოფილიყო.

— 9 ივლისს, ქბ. სოფიო კედიას ხელმძღვანელობით გაიმართა ახალგაზდობის საღამო, რომელიც მიძღვნილი იყო აკაკი წერეთლის ხსოვნისადმი. ვაყები და ქალები წარმოსთქვამდნენ აკაკის ლექსებს და ნაწყვეტებს მისი პოემებიდან და გუნდი ასრულე-

ბდა აკაკის ლექსების სიმღერებს. შემდეგ დადგმულ იქმნა ცოცხალი სურათი: ნინო, ქეთევან და თამარი. — და წარმოთქმულ იქნა ლექსი; დასასრულს გვაჩვენეს ცოცხალი სურათი: «ქართული ზეიმი» — სიმღერითა და ცეკვით. საღამო მშვენივრად იყო მოწყობილი და საზოგადოება მეტად ნასიამოვნები დაიშალა. ზედმეტია იმაზე წერა, რომ ასეთი საღამოების გამართვა არამც თუ მართა ახალგაზრდა თაობისათვის, არამედ დიდებისათვის მეტად სასარგებლო და მნიშვნელოვანია.

— 14 ივლისს, საზაფხულო არდადეგების წინ, კოლხნიის ასოციაციის ხელმძღვანელობით და ბნ დავით ხარისჭირაშვილის თაოსნობით გაიმართა ბავშთა დღე. პატარა ბავშვები წარმოსთქვამდნენ ლექსებს, უკრავდნენ პიანოზე და ვიოლონზე. დაუფასებელია ბნ ხარისჭირაშვილის შრომა, რომელმაც თავს იდგა მძიმე ტვირთი შეასწავლოს პატარა ბავშვებს ქართული ენა და ეტყობა ამ შრომას ფუჭად არ ჩაუვლია; ბავშთა დღე იყო მეტად კარგი, და იმედია კიდევ გაიმართება ასეთი ეროვნული დღე.

ამავე დღეს ქართული ბიბლიოთეკის სასარგებლოდ გათამაშებულ იქმნა ლოტარეა (შოთა რუსთაველის ბიუსტი, შესრულებული ბნ მურადიშვილის მიერ, რომელსაც მადლობა გამოუცხადეს ასეთი საქმისათვის). დასრულდა დღე ბავშვების ცეკვით.

ივნისის 26, ქაქუცა ჩლოყაშვილის საფლავზე ასოციაციის გამგეობის თაოსნობით გამართულ იქნა პანაშვიდი. ბ. მღვდელმა გრ. ფერაქმე შეასრულა წესი, ხოლო ასოციაციის თავმჯდომარე ბ. გ. ყურულმა წარმოსთქვა სიტყვა, რომლითაც დაახასიათა განსვენებულის ბრძოლა. ახალგაზრდა მგოსანმა გ. ყიფიანმა წარმოსთქვა ლექსი მიძღვნილი ქაქუცასადმი.

**წერილი ხარკინიდან**

26 მაისის დღესასწაული ქართველთა საზოგადოებამ სათანადო ზეიმით გადაიხადა. კოხტად მორთული საზოგადოების დარბაზი ვერ იტევდა ხალხს. დაესწრნენ კონსულები: ამერიკის, ბელგიის და პოლონეთის, აგრეთვე სხვადასხვა ეროვნების წარმომადგენლები: პოლონელები, უკრაინელები, აზერბეიჯანელი და ოსები. დღესასწაული გახსნა თავმჯდომარემ ბ. ხაინდრავამ, რომელმაც შესაფერი სიტყვით მიმართა დამსწრეთ. მომღერალმა გუნდმა მწყობრად შეასრულა ეროვნული ჰიმნი. ამას მოჰყვა მოხსენებები, რომელნიც წაიკითხნენ ქართულად ბ. ახვლედიანმა და რუსულად ბ. კეიდიამ. შემდეგ მოსმენილ იქნა მილოცვები. მიმოცეცვლებმა ის აზრი გაატარეს თავიანთ სიტყვებში, რომ უკრაინელებს და კავკასიის ერთა შორის აუცილებლად საჭიროა მჭიდრო კავშირი, რომ მათ შესძლონ განითავისფულონ თავი უცხოელების უფლიდან და დაადგენ ეროვნული თვითგამორკვევის გზას. მხოლოდ მჭიდრო კავშირში და ერთობაშია მათი აზრით ხსნა. მტერმა იმიტომ სძლია ასე ადვილად ამ ერებს, რომ მათ ცალ-ცალკე მოუხდათ მტერთან ბრძოლა, და მტე-

რმა, რომლის განკარგულებაში აუარებელი ჯარი და იარაღი იყო, თავის-თავად ცხადია, ადვილად დაამარცხა ისინი. თუმცა ეს გაკვეთილი ძვირად დაუჯდათ, მაგრამ, მეორეს მხრით, მისი მნიშვნელობა ჩვენთვის განუზომელია. მან ჩვენ ნათლად დაგვანახა, რომ ჩვენს ბრძოლას თავისუფლებისათვის მხოლოდ მაშინ ექნება სასურველი ნაყოფი, როცა ჩვენს შორის დამყარდება ერთსულოვნობა. ამიტომ ჩვენ დიდის კმაყოფილებით ვეგებებით კავკასიის ერთა კონფედერაციას, რომელიც უწყველია რვა-ღურ ფაქტად გადაიქცევა. უძღვნა რა მადლობა მომლოცველებს, ექიმ ჯიშკარიანმა თავის სიტყვაში მოკლეთ განმარტა კონფედერაციის მნიშვნელობა კავკასიის ერთათვის. გუნდმა ხელმეორედ შეასრულა ჰიმნი.

მეორე განყოფილებაში წარმოდგენილ იქნა «დედა და შვილი» ი. ჭავჭავაძისა, რომელმაც ძლიერი შთაბეჭდილება მოახდინა მაყურებლებზე და ბევრი კიდევაც აატირა. დღესასწაულის გეგმა დამთავრდა ქართული ლექსების დეკლამაციით. მშვენიერი საყურებელი იყო ქ-ნი კიკნაძისა ფრიად გრძობიერი კითხვა. ღიძია ხაინდრავამ წაიკითხა საკუთარი. საგანგებოთ ამ დღისათვის შეთხზული, ლექსი რუსულად. კარგი შთაბეჭდილება მოახდინა აგრეთვე ქ-ნი ჯაფარიძის მიერ წაკითხულ «ქართლის დედამ» რუსულად თარგმნილმა, აღტაცებაში მოიყვანა მსყურებლები პატარა გოგამ ცუგა კიკნაძემ. ისეთი არტისტული უნარით კითხულობდა ქართულ ლექსებს, რომ გვერნებოდათ ვინმე დიდი ხნის პრაქტიკის მქონე იდგა თქვენს წინაშე.

შემდეგ სტუმრები მიწვეულ იქმნენ ცალკე-დარბაზში. სადაც უხვად მოწყობილი სუფრა უცდიდა მათ. სუფრას თამაზობდა და ხელმძღვანელობდა ექიმი ჯიშკარიანი. თვითულ სადღეგრძელოს ზედერთო ტრადიციული «მრავალყამიერი». ბევრი ობილი სიტყვა წარმოითქვა. აქვე ბოტუევის ქალიწვილმა, ნინომ, მხატვრულად შეასრულა პიანინოზე «სამშობლო» და «ქეთო და კოტე». დროგამომშვებით იმართებოდა ლეკურის თამაში, რომელშიაც თავი ისახელებს ქ-ბმა ბაქრაძისამ, მახვილძისამ, კიკნაძისამ, ლლონტისამ, თოდუასამ და ბ-ბმა კ. ლეყავამ, ტ. მიქელაძემ და კიკნაძემ. ლეკურს ეცვლებოდა ევროპული ცეკვა. სტუმრებები ღარჩნენ დიდათ ნასიამოვნები. დაიშალენ დილის 5 საათზე.

კობ. კეიდი.

ამა წლის 12 ივნისს შესდგა «ხარკინის ქართველთა ურთიერთ დამხმარე საზოგადოების» წლიური საერთო კრება, რომელზედაც მოხდა გამგეობის და სარევიზიო კომისიის წევრთა არჩევნები. გამგეობის წევრებად არჩეულ იქნენ: ექიმი ჯიშკარიანი, ინიჩინ. მახოშვილი, ბ-ნი ი. გოკვაძე, კ. მახვილაძე, მ. ლლონტი, ე. ახვლედიანი, გ. სუნდაძე და ბ. რობაქიძე. სარ. კომისიაში: ბ-ნი ი. ლლონტი, მ. მჭედლიშვილი, ე. გამყრელიძე, კ. ლეყავა და ი. მილორაფა. გამგეობამ აირჩია პრეზიდიუმი: თავმჯ. ექ. ჯიშკარიანი, თავ. ამხ. ინ. მახოშვილი, მდივნად ბ-ნი გ. სუნდაძე, მოლარედ მ. ლლონტი, სამეურნეო ნაწ. გამგედ ბ. რობაქიძე.

**საზიგლიოგრაფიო შინაგონა**

გამოვიდა მიწურულური წიგნი ფრანგულად ქართული ენის შესახებ—N. Marr et M. Eriére «La langue géorgienne». რომელიც შეიცავს XVI+858 გვერდს, არის დიდი ტანის, დაბეჭდილია კარგ ქაღალდზე და ძლიერ სუფთად. შესდგება ოთხი ნაწილისაგან: ფონეტიკა, სიტყვების შედგენა, მორფოლოგია და სინტაქსისი. ქართული ენის გრამატიკულ კანონების განხილვასთან ერთად გარკვეულია ქართული ენის განვითარების პროცესიც. ამას მოსდევს ქრისტომატია-მხედრული და ხუცური ასოებით დაბეჭდილი ნიმუშები ძველი ქართული მწერლობისა: ბოლოს დართული აქვს ლექსიკონი ქართული სიტყვების ანალიზური განხილვით. წიგნი მოთავსებულია აგრეთვე ორი რუკა აწინდელი საქართველოსი—ერთი უბრალო და მეორე ფერადი. შესავალში ბ. ბრიერი მოკლედ აცნობს მკითხველებს საქართველოს და მის წარსულს.

La langue géorgienne წარმოადგენს იშვიათს, ღრმა მეცნიერულს განხილვას ქართ. ენისა და იგია ნაყოფი დიდი მუშაობის და ხანგრძლივი შესწავლის. ქართულის შესახებ ამის მსგავსი ჯერ არაფერი მოიპოვება და მისი მნიშვნელობა დაუფასებელია არათუ ფრანგებისათვის, რომელნიც მოისურვებენ ჩვენი ენის გაცნობას, არამედ თვით ქართველებისთვისაც. ამ წიგნის გამოცემისათვის ქართველმა საზოგადოებამ უგულიანადესი მადლობა უნდა მიუძღვნას დიდად პატივცემულს ფრანგ ეპისკოპოსს გრაფენს, რომელიც დიდი ხანია უკვე მოღვაწეობს ქართული ენის და ლიტერატურის შესწავლის გავრცელებისთვის ფრანგთა შორის და რომლის მეცადინეობით მოეწყო პარიზში ქართული ენის კურსები ჯერ აკადემ. მარის და შემდეგ უკანასკნელის მოწადის. ბ. ბრიერის ხელმძღვანელობით. მხოლოდ ეპისკ. გრაფენის დაუღალავი შრომითა და ენერგიით და ძვირფასი საფასურით იყო შესაძლებელი ჩვენს წინ მდებარე წიგნის გამოცემა.

**წიკრილები კაღაქციის მიმართ**

ბატონდ რედაქტორდ,

უმორჩილესად გთხოვთ ნება დამართოთ გულწრფელი მადლობა გადაუხადოთ თიერანის ქართველთა კორპორაციას იმ დანაშაურობისათვის, რომელსაც ისინი მუდამ იჩენენ თავიანთ თანამემამულეების მიმართ საერთოდ და კერძოდ კი იმ მორიგ 90 სპარსულ თუმნის (180 მან. ოქროთი) დანაშაურობისათვის, რომელიც ვაღებულ იქნა მათ მიერ სამშობლოდან ახლად გადმხვეწილ სამი ქართველის სასარგებლოდ.

განსაკუთრებით მადლობას ვუძღვნი ქ. მ. კარგარეთელს და ბ. ნ. ოდიშელს, რომლებმაც კეთილი ინებეს და ფული შეაგროვეს ქართველთა შორის.

ლ. თათი.

**ქართველ უფრომეპროტა დანახარაკი კომიტეტის ანგარიშები**

(1932 წ. 15 აპრილიდან 15 თებერვამდე)

I. მიღებულ შემოწირულებათა სია:

საქართველოს მთავრობა 500 ფრ., Madame N. Hulls 150 ფრ., ქალაქ ბრიუსელის ქართველი კლასიკა 88, მაიორი ქუთათელაძე 80, პოლკოვნიკი კვიციანი 80, ბ. ა. ჩხენკელი 75, ბ. ე. თაყაიშვილი 50, ბ. შ. აბოლქვილი 50, M-me et Mr J. Gounia 50, M-me G. Ledoux 50, M-me O. Bertrand 50, ბ. ს. კვიციანი 50, ბ. და ქ. ნ. ა. და რ. ზურაბიშვილები 25, M-me Israel 20, M-me F. 20, M-me H. Meunier 20, ბ. კ. კანდელაკი 20, M-elle B. Musso 15, ბ. ნ. ნიქარაძე 15, ბ. გ. უჩაძე 15, M-me Meunier 10, Mr Guicciardi 10, M-me B. Laborie 10, M-elle Lesacq 10, ბ. გ. ელენტი 10, M-r Huau 5, ბ. ლ. ურუშაძე 5.

სულ 1.483 ფ. 00 ს.

II. დახარჯულისა:

წარსულ ანგარიშის ფეფციტის დასაფარავად 389 ფ. 94 ს.  
სადილები უმუშევართათვის 54 00  
დანაშარება ფულის სახით 258 00  
გზის ფული სამუშაოდ წამსვლელთათ. 200 00  
სამდივნო და მისვლა-მოსვლის ხარჯები (უკანასკნელ სამი თვის) 222 00

სულ 1.123 ფ. 00 ს.

III. 16 ივნისს კასაში იყო 359 ფ. 06 ს.

IV. ამ დროს განმავლობაში 7 უმუშევარი მოწყობილი იყო სამუშაოზე. გაცემული იყო 138 სადილი. 20 უმუშევარს მიეცა სარეკომენდაციო წერილები, სერტიფიკატები. ფულით დანაშარება და სხვ.

V. საყურადღებოდ:—

მიმდინარე ხარჯების გარეშე ჩვენ კომიტეტს აქვს «არმი დე-სალი»-ს თავშესაფარის ვალი იმ ბინასაქმელისთვის, რომელიც ოთხი თვის განმავლობაში მიეცა იმ ქართველებს, რომელთა მოწყობა შეუძლებელი იყო სხვაგან ქალაქების უქონლობის გამო; ამ ვალის რაოდენობა არის 1780 ფრ. 20 სან. ამ ვალის ჩქარი გასტუმრება მით უფრო სასურველია, რომ ამ დაწესებულების გამგეობა ჩვენ სიმპატიით და ნდობით გვეპყრობა და შესაძლებელია მომავალშიც ჩვენთვის მეტად საჭირო იქნეს.

მადლობას ვუცხადებთ ყველას, ვინც მატერიალურ და მორალურ დახმარებას გვიწვევს და იმედს გამოვთქვამთ რომ არც მომავალში მოგვაკლებენ ყურადღებას და კეთილ განწყობილებას.

ამასთან, ნებას ვაძლევთ ჩვენ თავს, გავახსენოთ იმათ, ვინც იკისრეს ყოველთვიური დანაშარების აღმოჩენა, რომ ბევრმა თავისი მოვალეობა არ შეასრულა და რომ უცხოელები ჩვენს საქმეში მეტს ენერგიას და რეგულარობას იჩენენ, ვიდრე ჩვენი თანამემამულენი.

თავმჯდომარის ქ. ნ. ზელმის და ხანინადარის ბ. ნ. თუმანიშვილის დავალებით, მდივანი ლევან ზურაბიშვილი.